

আদর্শ সমাজ গঠনে সূরা মাউন-এর শিক্ষা



ইমামুদ্দীন বিন আব্দুল বাহীর

আদর্শ সমাজ গঠনে সূরা মাউন-এর শিক্ষা

প্রকাশক : আছ-ছিরাত প্রকাশনী
নওদাপাড়া, সপুরা, রাজশাহী।
মোবাইল : ০১৭৭৩-৬৮৬৬৭১

প্রকাশকাল :
ফেব্রুয়ারী ২০১৩ খৃ.
সফর ১৪৩৪ হি:

॥ লেখক কর্তৃক সর্বস্বত্ব সংরক্ষিত ॥


কম্পোজ : আছ-ছিরাত কম্পিউটার, রাজশাহী।

নির্ধারিত মূল্য : ২০ (বিশ) টাকা মাত্র।

*SURA MA'UNER SHIKKAH. Written by Imamuddin Bin Abdul Basir
& Published by As-Seerat Prokashoni. Nawdapara, Sapura, Rajshahi.
Mob: 01717672458. Fixed Price: Tk. 20.00 only.*

সূচীপত্র

পৃষ্ঠা নং	বিষয়
৪	ভূমিকা
৫	সূরা মাউন-এর বঙ্গানুবাদ
৬	আদর্শ সমাজ গঠনে সূরা মাউনের শিক্ষা
৮	প্রথমতঃ ক্বিয়ামত দিবসের প্রতি বিশ্বাস স্থাপন
১৫	দ্বিতীয়তঃ ইয়াতীমদের সাথে সদ্ব্যবহার করা
২২	তৃতীয়তঃ অনুহীনে অনুদান
২৭	চতুর্থতঃ ছালাতে মনোযোগী হওয়া
৩৬	পঞ্চমতঃ লোক দেখানো কর্ম হ'তে বিরত থাকা
৪২	ষষ্ঠতঃ নিত্য প্রয়োজনীয় বস্তু অপরকে দেয়া
৪৫	উপসংহার
৪৬	পরিশিষ্ট



ভূমিকা

সৃষ্টি জগতের সর্বশ্রেষ্ঠ সৃষ্টি মানুষকে আল্লাহ তা‘আলা আপন হাতে নিপুণভাবে সৃষ্টি করেছেন (ছোয়াদ ৭৫)। আল্লাহ চান তাঁর সুন্দরতম সৃষ্টি সুন্দরভাবে জীবন যাপন করুক। সে লক্ষ্যে তিনি মানুষের জীবন যাপনের সার্বিক দিক নির্দেশনা দেয়ার জন্য সময়ের প্রয়োজনানুপাতে এক লক্ষ চব্বিশ হাজার নবী ও রাসূল পাঠিয়েছেন (আহমাদ, সনদ হাসান, মিশকাত হা/৫৭৩৭)। আর মানুষও সুন্দরভাবে বেঁচে থাকার জন্য সমাজবদ্ধভাবে জীবন যাপন করতে বদ্ধপরিকর। সামাজিক জীবন বাধাহীনভাবে পরিচালনার জন্য তারা নানা কলা-কৌশলও আবিষ্কার করেছে। কিন্তু মানব হৃদয়ের গহীনে লুকিয়ে থাকা প্রবৃত্তি নামক দানবটি অনেকাংশে একাজে প্রতিবন্ধকতা সৃষ্টি করে। ফলে তারা সমাজের হীন কাজে নিজেকে সম্পৃক্ত করে ফেলে। এক পর্যায়ে তার উন্নত আদর্শকে পদদলিত করে পশুত্বকে বরণ করতে বাধ্য হয়। যেমন আল্লাহ বলেন, ‘আমি মানুষকে সর্বোত্তম অবয়বে সৃজন করেছি। অতঃপর তাকে সর্ব নিকৃষ্ট স্তম্ভরে নামিয়ে দিয়েছি’ (ত্বীন ৯৫/৪-৫)। অত্র আয়াত প্রমাণ করে মানুষ পৃথিবীর সৃষ্টিকুলের মধ্যে সর্বশ্রেষ্ঠ গঠনের অধিকারী। অথচ তাদের হীন কৃতকর্মের দরুন তাদেরকে সর্বনিম্ন পর্যায়ে নামিয়ে দেয়া হয়। মুসলিম জাগরণের উর্দু কবি আল্লামা ইকবাল আক্ষেপ করে বলেন, ‘মানুষ সূর্যের আলোকে নিয়ন্ত্রণ করতে পারে, মাটির মানুষ হয়ে বিচরণ করতে পারে চাঁদের রাজ্যে, অথচ সেই পৃথিবীতে মানুষের মত হয়ে চলতে পারে না’। ক্ষেত্র বিশেষে মানুষ অন্যান্য বন্যপ্রাণীর চেয়ে মানুষকেই বেশী ভয় পায়। সমাজে বিশৃংখলার জন্য মূলত মানুষই দায়ী। আবার সমাজের মানুষগুলো ভালো হ’লে তখন তা সর্বোত্তম আবাস ভূমিতে পরিণত হয়। নৈতিক অবক্ষয় রোধ করে আদর্শ জাতি গড়তে পারলে তখনই সম্ভব আদর্শ সমাজ গঠন করা। মহানবী <sup>খাদ্যাহা-হু
আলাইহে
ওয়াসাল্লাম</sup> জাহেলী যুগের অসভ্য মানুষগুলোকে নৈতিক শিক্ষা দিয়ে এমন সমাজ গঠন করলেন, যা ইতিহাসের পাতায় ‘স্বর্ণ যুগ’ হিসাবে খ্যাতি লাভ করেছে। যা পরবর্তী যুগের মানুষদের জন্য মডেল হিসাবে উপস্থাপিত হয়ে আসছে। সে শিক্ষার বাস্তবায়ন করে আদর্শ সমাজ গঠন করা আজও সম্ভব। তাই মহান আল্লাহ সূরা মাউনের মধ্যে এমন কতিপয় শিক্ষা তুলে ধরেছেন, যেগুলো আদর্শ সমাজ গঠনে গুরুত্বপূর্ণ অবদান রাখতে পারে। আর সে শিক্ষাগুলির অনুপস্থিতিতে সমাজ জীবন হয়ে উঠে দুর্বিসহ। আল্লাহর দেয়া জীবন বিধানই মানুষের সার্বিক কল্যাণ নিহিত আছে।

অত্র পুস্তিকাকাটি আদর্শ সমাজ গঠনে সহায়িকার ভূমিকা পালন করবে বলে আমরা দৃঢ়ভাবে আশাবাদী। পরিশেষে বইটি প্রকাশে যারা বিভিন্নভাবে সহযোগিতা করেছেন, তাদেরকে আন্তরিক ধন্যবাদ জানাই। সাথে সাথে মহান আল্লাহর নিকট প্রার্থনা করি, তিনি যেন তাদেরকে উত্তম প্রতিদানে ভূষিত করেন। আমীন!

বিনীত

॥লেখক॥

সূরা মাউন-এর সরল অনুবাদ

بِسْمِ اللَّهِ الرَّحْمَنِ الرَّحِيمِ

أَرَعَيْتَ الَّذِي يُكَذِّبُ بِالْإِيمَانِ ۚ فَذَلِكَ الَّذِي يَدْعُ الْيَتِيمَ ۚ وَلَا يَحْضُ عَلَىٰ طَعَامِ
الْمِسْكِينِ ۚ فَوَيْلٌ لِلْمُصَلِّينَ ۚ الَّذِينَ هُمْ عَنْ صَلَاتِهِمْ سَاهُونَ ۚ الَّذِينَ هُمْ يُرَآءُونَ ۚ
وَيَمْنَعُونَ الْمَاعُونَ ۚ

পরম করুণাময়, অসীম দয়ালু, আল্লাহর নামে শুরু করছি।

- (১) আপনি কি তাকে দেখেছেন, যে বিচার দিবসকে মিথ্যা প্রতিপন্ন করে?
(২) সে হ'ল ঐ ব্যক্তি, যে ইয়াতীমকে গলা ধাক্কা দেয় (৩) এবং মিসকীনকে
খাদ্য দানে উৎসাহিত করে না (৪) অতঃপর মহা দুর্ভোগ ঐ সব মুছল্লীর জন্য
(৫) যারা তাদের ছালতের ব্যাপারে উদাসীন (৬) যারা লোকদেরকে দেখায়
(৭) এবং নিত্য ব্যবহার্য বস্তু দানে বিরত থাকে।

আদর্শ সমাজ গঠনে সূরা মাউনের শিক্ষা

মানুষ সামাজিক জীব। মানুষকে সমাজবদ্ধ হয়ে বসবাস করতে হয়। জন্মগত ভাবেই মানুষ সঙ্গীপ্রিয়। তারা নিঃসঙ্গ থাকতে পারে না এবং সঙ্গিহীন জীবন পসন্দও করে না। সমাজবদ্ধ হয়ে বসবাস করতে গেলে কিছু নিয়ম-নীতি আদব-কায়দা তথা শিষ্টাচার বজায় রাখতে হয়। অন্যথায় সমাজ জীবনে নেমে আসে চরম বিশৃঙ্খলা। শান্তিপূর্ণ সমাজ জীবন অশান্তির নরকে পরিণত হয়। এ অবস্থায় এক শ্রেণীর লোক সমাজে বসবাস করে, যারা প্রকাশ্যে খুব সুন্দর ভঙ্গিমায় নিজেকে উপস্থাপন করলেও মূলতঃ সে সমাজে উচ্ছৃংখলদের অন্তর্ভুক্ত। আর তাদের কারণে সমাজের মানুষ নানাবিধ সমস্যার মধ্যে পতিত হয়। কোন কোন পর্যায়ে নিজের মান সম্মানটুকুও হারাতে বসে। এর সুষ্ঠু সমাধান পেতে চাইলে মহাগ্রন্থ আল-কুরআনের দিক নির্দেশনায় বাস্তব জীবন ঢেলে সাজাতে হবে। কেননা ‘আল-কুরআনকে আল্লাহ তা‘আলা هُدًى

لِّلْمُتَّقِينَ তথা ‘তাক্বওয়াশীলদের পথপ্রদর্শক হিসাবে অবতীর্ণ করেছেন’ (বাক্বুরাহ ২/২)। এমনকি সমস্ত মানুষের জন্য পথ প্রদর্শক’ (বাক্বুরাহ ১৮৫)। সাধারণ মানুষ যাতে মানবরূপী উচ্ছৃংখলদের কবল থেকে বেঁচে থাকতে পারে, তাই আল্লাহ তাদের কতিপয় স্বভাবের কথা তুলে ধরেছেন সূরা মাউনে। তারা যেন এ মহান শিক্ষাকে কাজে লাগিয়ে সুন্দর জীবন গঠন করতে পারে। সাথে সাথে ঐ সকল আচরণ থেকে নিজেকে মুক্ত রেখে জাতিকে সুশীল সমাজ উপহার দিতে পারে। ফলশ্রুতিতে সমাজ জীবনে নেমে আসে শান্তির ফল্লুধারা এবং সমাজ জীবন হয়ে উঠে স্থিতিশীল। সূরা মাউনের মধ্যে যে মহান শিক্ষা লুক্কায়িত আছে, তা একজন মানুষের জীবনের মোড় পরিবর্তনে যথেষ্ট ভূমিকা রাখতে পারে। একটা সমাজ পরিবর্তনেও এ শিক্ষার পুরোপুরি বাস্তবায়ন একান্ত প্রয়োজন।

সাতটি ক্ষুদ্র ক্ষুদ্র আয়াত সম্বলিত এ ছোট সূরাটিতে এক ব্যাপক ও বিশাল বিষয়বস্তু আলোচিত হয়েছে। ঈমান ও কুফরের ভিত্তিতে মানুষের চিন্তা, বিশ্বাস ও চরিত্রে যে বিরাট পার্থক্য ও ব্যবধান, এ সূরায় সুস্পষ্টভাবে তা নির্ণীত হয়েছে। ইসলামী জীবনদর্শন, পরকালের শান্তি ও পুরস্কারের প্রতি দৃঢ় প্রত্যয়, মানব চরিত্র ও আচরণে যে সকল ধর্মীয় গুণাবলীর সৃষ্টি করে এবং যে সকল মহৎ গুণাবলী মানবীয় বৈশিষ্ট্যকে সুষমামণ্ডিত করে তোলে, তার বিশদ বর্ণনা রয়েছে।

অপরদিকে দীন ও আখেরাতের প্রতি অবিশ্বাসীদের চরিত্র ও আচরণ কত জঘন্য হ'তে পারে, তারা মানুষের প্রতি কত নিষ্ঠুর ও নির্মম হ'তে পারে, আবার কপট বিশ্বাসী ও প্রদর্শনীমূলক মানসিকতা নিয়ে যারা বকধার্মিকতা, লোক দেখানো ও লেফাফা দুরস্তির ভান করে, তারা মানুষের প্রতি কতটা নির্দয় হয়, কতটা অসহযোগিতা মূলক আচরণ করে, এ সকল দিকই এ সূরাই আলোচিত হয়েছে। সর্বশেষে রাসূলুল্লাহ ^{স্বালাল্লাহু আলাইহে ওয়াসাল্লাম} কে প্রেরণের মাধ্যমে আল্লাহ রাব্বুল আলামীন যে কল্যাণধর্মী সহমর্মিতা, সংবেদনশীলতা ও পারস্পরিক সহযোগিতামূলক শান্তি ও রহমতের সমাজ গড়ে তুলতে চান; তার এক বাস্তব চিত্র এ ছোট সূরাটিতে উপস্থাপন করা হয়েছে।^১

এ সূরায় এ মহান শিক্ষাও তুলে ধরা হয়েছে যে, দীন ইসলাম কোন সংকীর্ণ, অনুদার ও প্রদর্শনীমূলক অনুষ্ঠান ও রীতি-নীতি সর্বস্ব ধর্মও নয়। ইসলাম নিষ্ঠা ও একাগ্রচিত্ততা বর্জিত কোন জীবনদর্শন নয়। বরং একমাত্র আল্লাহর জন্য নিবেদিতপ্রাণ হওয়া, পরম নিষ্ঠা, একাগ্রচিত্ততা, আন্তরিকতা ও আত্মসমর্পনের আদর্শই হল ইসলাম। এ ধর্ম তার অনুসারীদেরকে কত সংকর্মশীল করে তুলতে পারে, কত দৃষ্টান্তমূলক উত্তম চরিত্র সৃষ্টি করতে পারে, কত উন্নত ও মানব কল্যাণের মহৎ গুণাবলীতে ভূষিত করতে পারে, তার মনোজ্ঞ আলোচনা এখানে পেশ করা হয়েছে। সত্যিকার বলতে গেলে এ সকল গুণাবলীই একটি মার্জিত, সুসভ্য ও প্রগতিশীল সমাজ গঠনের দৃঢ় ভিত্তি স্থাপন করে।

যখন কোন ব্যক্তির জীবন তার মুখে দাবীকৃত আন্তরিক বিশ্বাসের বিপরীত দিকে প্রবাহিত হয়, তার কথার সাথে তার বাস্তব জীবনের আচরণের অমিল দেখতে পাওয়া যায়, তার বিশ্বাসের ভিত্তিতে তার জীবনের কর্মকাণ্ড নিয়ন্ত্রিত ও পরিচালিত না হয়, তার ঈমান বিরোধী আচরণই এ কথার সুস্পষ্ট দলীল যে, তার মুখের দাবী সত্য নয়। তার হৃদয়ে ইসলামী জীবনাদর্শের আদৌ কোন অস্তিত্ব নেই। সূরা মাউনের সুস্পষ্ট ভাষ্য দ্বারা এটিই প্রমাণিত হয়েছে।^২

নিম্নে এ সূরার সংক্ষিপ্ত ব্যাখ্যা ও সামাজিক শিক্ষা আলোচনা করার প্রয়াস পাব ইনশাআল্লাহ-

১. সাইয়েদ কুতুব শহীদ, ফী যিলালিল কুরআন (বৈরুতঃ দারুশ শরক, দ্বিতীয় সংস্করণ; ১৪০৬ হিঃ ১৯৮৬ ইং), ৬ষ্ঠ খণ্ড, পৃঃ ৩৯৪৮।

২. এ, পৃঃ ৩৯৮৫।

প্রথমতঃ ক্বিয়ামত দিবসের প্রতি বিশ্বাস স্থাপন :

মহান রাক্বুল আলামীন রাসূলুল্লাহ <sup>হাদীয়া-হু
আলাইহে
ওয়াসাল্লাম</sup> কে সম্বোধন করে বলেছেন, **أَرَأَيْتَ** <sup>হাদীয়া-হু
আলাইহে
ওয়াসাল্লাম</sup> ‘(হে রাসূল!) আপনি কি তাকে দেখেছেন, যে বিচার দিবসকে মিথ্যা প্রতিপন্ন করে’ (মাউন ১০৭/১)। এখানে নবী করীম <sup>হাদীয়া-হু
আলাইহে
ওয়াসাল্লাম</sup> কে সম্বোধন করে কর্মফলকে প্রত্যাখ্যানকারী দু’শ্রেণীর মানুষের নৈতিক চরিত্রের চিত্রাংকন করা হয়েছে। পরকালে অবিশ্বাসীদের নৈতিক চরিত্রকে তুলে ধরা এ সূরার মূল বক্তব্য। রাসূলুল্লাহ <sup>হাদীয়া-হু
আলাইহে
ওয়াসাল্লাম</sup> -এর তিরোধানের পর প্রত্যেক বুদ্ধিমান ব্যক্তিকে এর দ্বারা সম্বোধন করা হয়েছে। এরূপ ক্ষেত্রে কুরআনের বাচনভঙ্গি এরূপই হয়ে থাকে। ‘তুমি কি দেখেছ’ বলে তুমি কি ঐ ব্যক্তির চরিত্রকে চর্মচোখে ও অন্তরের চোখে দেখছ বুঝতে হবে। **يُكَذِّبُ بِالذِّنِّ** ‘যে কর্মফলকে প্রত্যাখ্যান করেছে’। এখানে ‘বিত্তীন’ দ্বারা কর্মফলকে বুঝানো হয়েছে। ‘দ্বীন’ অর্থ কর্মফল নেওয়া হ’লে এ সূরার ভাবার্থ হবে, কর্মফল অস্বীকার করলে মানুষের নিম্নরূপ স্বভাব চরিত্র সৃষ্টি করে দেয়। কর্মফলকে যে অবিশ্বাস করে তার চরিত্র কী ধরনের হয়, তা উল্লেখ করে বলা হয়েছে। মানুষ একটু চিন্তা করলে বুঝতে পারে, তাদের চরিত্র হ’ল পরবর্তী আয়াতগুলি।^৩

আয়াতের সূচনাতেই যারা উপলব্ধি করতে চায়, যারা প্রত্যক্ষদর্শীর মত এ থেকে শিক্ষা গ্রহণ করতে চায় তাদেরকে সম্বোধন করে প্রশ্ন করা হয়েছে যে, কারা পরকালে শাস্তি ও পুরস্কার দিবসকে মিথ্যা মনে করে? কুরআনুল কারীমের এ প্রশ্নের প্রতিপাদ্য বিষয় হচ্ছে যে, যারা নিম্নে উল্লেখিত আচরণে অভ্যস্ত, তারাই প্রকৃতপক্ষে দ্বীনের প্রতি অবিশ্বাসী। তাই প্রথম আয়াতে তুমি কি প্রত্যক্ষ করেছ দ্বীনের প্রতি অবিশ্বাসী কারা? এর উত্তরে স্বয়ং আল্লাহ বলেছেন, তারাই দ্বীনের প্রতি অবিশ্বাসী, তারাই দ্বীনকে মিথ্যা মনে করে, যারা ইয়াতীমকে গলা ধাক্কা দেয়, যারা মিসকীনকে আহার প্রদানে উৎসাহিত ও অনুপ্রাণিত করে না।^৪

৩. মুহাম্মাদ আব্দুন নূর সালাফী, কুরআন মাজীদ আম্মা পারার ব্যাখ্যা সহ বঙ্গানুবাদ (রংপুর : সালাফী প্রকাশনী, প্রকাশকাল : মুহাররম ১৪১৪ হিঃ), পৃঃ ৬২-৬৩। পরবর্তীতে এ উৎসটি ‘আঃ নূর কুরআন মাজীদ’ নামে ব্যবহৃত হবে।

৪. ফী যিলালিল কুরআন, ৬/৩১৮৫।

মুমিন ব্যক্তি বিচার দিবসকে অস্বীকার করে না। সুতরাং কোন মুমিন যদি এসব দুষ্কর্ম করে তবে তা শরী‘আত মতে কঠোর গুণাহ ও নিন্দনীয় অপরাধ হ’লেও বর্ণিত শাস্তির বিধান তার জন্যে প্রযোজ্য নয়। এ কারণেই প্রথমে এমন ব্যক্তির কথা বলা হয়েছে, যে বিচার দিবসকে অস্বীকার করে। এতে অবশ্যই ইঙ্গিত আছে যে, বর্ণিত দুষ্কর্ম কোন মুমিন ব্যক্তি দ্বারা সংঘটিত হওয়া প্রায় অসম্ভব। এটা কোন অবিশ্বাসী কাফেরই করতে পারে।^৫

তৎকালীন সমাজে তথা ইসলামের আগমন কালের মানুষ এবং তার পূর্ববর্তীরা ক্বিয়ামত দিবসে বিশ্বাসী ছিল না। সে সময়ের মানুষদের ধারণা ছিল যে, মানুষ প্রকৃতিগতভাবে দুনিয়ায় এসেছে। আবার এমনিতেই দুনিয়া হ’তে বিদায় নিবে। আর মৃত্যু বরণ করার পর মানুষের পুনরুত্থান হবে না। মানুষ পঁচে-গলে প্রকৃতির সাথে মিশে যাবে। তার ইহকালীন জীবনের হিসাব নিকাশ হবে না। কেননা ঐ পঁচা অসার দেহকে আবার কিভাবে জীবন দান করবে? জাহেলী যুগের কবিদের কাব্যে এর ভুরি-ভুরি প্রমাণ মেলে। এ মর্মে দু’একটি কবিতার অংশ বিশেষভাবে উপস্থাপন করা হ’ল।-

حياة ثم موت ثم نشر ❁ حديث خرافة يا ام عمرو

‘জীবন, মরণ, তৎপর পুনরুত্থান। হে আমার মা এই সব বাজে কথা’।^৬ কবি জীবন, মরণ ও পুনরুত্থান এসব কাজকে অযৌক্তিক কথা বলে উড়িয়ে দিয়েছেন। এছাড়া আরেক কবির ভাষায়-

يحدثنا الرسول بان سخيًا ❁ وكيف حياة اصدقاء وهام

‘এই রাসূল আমাদেরকে বলেন যে, আমরা পুনরায় জীবিত হব। কিন্তু কেমন করে জং ও মাথায় মরা খুপরীর মধ্যে জীবন আসতে পারে?’^৭

তারা মনে করত জীবন-মৃত্যু এটা নিছক প্রকৃতির নিয়ম। মরণের পর পুনরায় জীবন লাভে তারা বিশ্বাসী ছিল না। বহুকাল পর্যন্ত হাযার হাযার মানুষের বদ্ধমূল ধারণা, মানুষ এমনিতেই সৃজিত হয়েছে। তার সৃষ্টির পিছনে কারো কোন তদবীর নেই। তাই তারা পরকালকে বিশ্বাস করত না। কিন্তু ইসলাম

৫. তাফসীরে মা‘আরেফুল কুরআন, মূল : মাওলানা মুহাম্মাদ শফী, অনুবাদ : মুহিউদ্দীন খান (ঢাকা : ইসলামিক ফাউন্ডেশন বাংলাদেশ, ১ম সংস্করণ আগস্ট ১৯৮৪ ইং), ৮ম খণ্ড, পৃঃ ১০১৯।

৬. ইসলাম ও জাহেলিয়াতের দ্বন্দ্ব, মূল : ইমাম মুহাম্মাদ আব্দুল ওয়াহ্‌হাব নজদী (রহঃ), অনুবাদ : ডঃ মুহাম্মাদ আসাদুল্লাহ আল-গালিব, (সৌদী আরবঃ প্রধান কার্যালয় গবেষণা, ইফতা, দাওয়াত ও ইরশাদ বিভাগ, অনুবাদ ও প্রকাশনা দফতর, রিয়াদ ১৯৯১ ইং), পৃঃ ১৪৩।

৭. ঐ।

গ্রহণ করতে হ'লে সর্বাত্মক কয়েকটি বিষয়ের প্রতি ঈমান আনতে হয়, তন্মধ্যে বিচার দিবস একটি। হাদীছে 'জিবরীলে' এসেছে স্বয়ং জিবরাঈল দ্বীন শিক্ষার নিমিত্তে রাসূল ^{হাদীছ-ই আল্লাহিহে ওয়াসাল্লাম} -এর দরবারে আসলেন এবং জিজ্ঞেস করলেন ঈমান কী?

فَأَخْبِرْنِي عَنِ الْإِيمَانِ قَالَ أَنْ تُؤْمِنَ بِاللَّهِ وَمَلَائِكَتِهِ وَكُتُبِهِ وَرُسُلِهِ وَالْيَوْمِ الْآخِرِ وَتُؤْمِنَ بِالْقَدَرِ خَيْرِهِ وَشَرِّهِ.

‘জিবরীল বললেন, আমাকে বলুন! ঈমান কাকে বলে? উত্তরে রাসূলুল্লাহ ^{হাদীছ-ই আল্লাহিহে ওয়াসাল্লাম} বললেন, আল্লাহর প্রতি, ফেরেশতাগণের প্রতি, কিতাব সমূহের প্রতি, নবী-রাসূলগণের প্রতি, শেষ দিবসের প্রতি, ভাগ্যের ভাল-মন্দের প্রতি বিশ্বাস স্থাপনের নাম ঈমান।^৮ যে উক্ত বিষয়গুলির প্রতি ঈমান আনবে না সে পথভ্রষ্ট। মহান আল্লাহ এ সম্পর্কে বলেন,

وَمَنْ يَكْفُرْ بِاللَّهِ وَمَلَائِكَتِهِ وَكُتُبِهِ وَرُسُلِهِ وَالْيَوْمِ الْآخِرِ فَقَدْ ضَلَّ ضَلَالًا بَعِيدًا.

‘বস্তুতঃ যে অবিশ্বাস করেছে আল্লাহকে, তাঁর ফেরেশতাগণে, তাঁর কিতাব সমূহে, তাঁর রাসূলগণে এবং শেষ দিবস তথা বিচার দিবসে, সে নিশ্চিত রূপে সঠিক পথ হ'তে বহু দূরে ছিটকে পড়েছে’ (নিসা ৪/১৩৬)। বিচার দিবস বা ক্রিয়মত দিবসের প্রতি বিশ্বাস স্থাপন মুসলিম ব্যক্তির এক অপরিহার্য বিষয়। ইসলাম ধর্ম গ্রহণ করলে এর প্রতি পূর্ণ বিশ্বাস রাখতে হয়। ইসলাম গ্রহণের পর কেউ তা অস্বীকার করলে সে মুসলিম থাকতে পারে না।

إِلَهُكُمْ إِلَهٌ وَاحِدٌ فَالَّذِينَ لَا يُؤْمِنُونَ بِالْآخِرَةِ قُلُوبُهُمْ مُنْكَرَةٌ وَهُمْ مُسْتَكْبِرُونَ.

‘ইলাহ এক, তিনিই তোমাদের ইলাহ, সুতরাং যারা আখিরাতে বিশ্বাস করে না তাদের অস্বস্তির সত্যবিমুখ এবং তারা অহংকারী’ (নাহল ১৬/২২)। যারা পরকালকে বিশ্বাস করে না তাদেরকে আল্লাহ পবিত্র কুরআনে পথভ্রষ্ট ও অহংকারী বলে আখ্যায়িত করেছেন। আর কোন মুসলমানের হৃদয়ে অণু পরিমাণ অহংকার জিইয়ে রাখা গুরুতর পাপ। যা সকল অবস্থায় বর্জন করা আমাদের বাধ্যন্য। আল্লাহ আরো বলেন,

لَيْسَ الْبِرَّ أَنْ تُوَلُّوا وُجُوهَكُمْ قَبْلَ الْمَشْرِقِ وَالْمَغْرِبِ وَلَكِنَّ الْبِرَّ مَنْ آمَنَ بِاللَّهِ وَالْيَوْمِ الْآخِرِ وَالْمَلَائِكَةِ وَالْكِتَابِ وَالنَّبِيِّينَ.

৮. প্রশ্নকারী স্বয়ং জিবরীল ছিলেন বলে হাদীছটিকে ‘হাদীছে জিবরীল’ বলা হয়ে থাকে। দ্রঃ মাওলানা নূর মোহাম্মদ আজমী রহঃ, বঙ্গনুবাদ মিশকাত ১/১১ পৃঃ।

৯. ছহীহ মুসলিম হা/১০২, মিশকাত হা/২।

‘পূর্ব ও পশ্চিম দিকে মুখ ফিরানোতে কোন পুণ্য নেই কিন্তু পুণ্য আছে কেউ আল্লাহ, আখিরাত, ফিরিশতাগণ, সকল আসমানী কিতাব এবং নবীগণের উপর ঈমান আনলে’ (বাক্বারাহ ২/১৭৭)।

প্রকৃতপক্ষে দ্বীন ইসলামের সত্যতাকে শুধু মুখে স্বীকার করার নামই ঈমান নয়; বরং ঈমান তাই, যা অন্তরে গভীর প্রত্যয় জন্মায়, যা মানব জীবনে ঈমানের দাবী পূরণের সকল পারিপার্শ্বিক ও আনুষঙ্গিক বৈশিষ্ট্যাবলী বিকশিত করে। যে বিশ্বাসের স্বীকৃতির সাথে জীবনের সকল কর্মের সাদৃশ্য খুঁজে পাওয়া যায়। আল্লাহ শুধু মানুষের মৌখিক স্বীকৃতিই চান না; বরং মৌখিক স্বীকৃতির সাথে হৃদয়ের সুদৃঢ় বিশ্বাস উপস্থাপনই আল্লাহ চান। যে মুখের কথার সাথে কর্মময় জীবনের কোন মিল নেই, সে দাবী নিছক বুদবুদ, তা ধোয়ার শূন্যে মিলে যায়। যে দাবী ও কথার সাথে কাজের মিল নেই, সে কথার আদৌ কোন গুরুত্ব আল্লাহ সুবহা-নাহ তা’আলার নিকট নেই।^{১০}

মৃত্যুর পর সকল মানুষের পুনরুত্থান সম্পর্কে আল্লাহ তা’আলা বলেন,

وَأَنَّ اللَّهَ يَبْعَثُ مَنْ فِي الْقُبُورِ.

‘পুনরুত্থিত করবেন তাদেরকে যারা কবরে আছে’ (হজ্জ ২২/৭)।

মহান আল্লাহ অন্যত্র বলেন, ثُمَّ إِنَّكُمْ يَوْمَ الْقِيَامَةِ تُبْعَثُونَ ‘তারপর কিয়ামতের দিন তোমাদেরকে পুনরুত্থিত করা হবে’ (মুমিনুন ২৩/১৬)।

وَنُفِخَ فِي الصُّورِ فَصَعِقَ مَنْ فِي السَّمَاوَاتِ وَمَنْ فِي الْأَرْضِ إِلَّا مَنْ شَاءَ اللَّهُ ثُمَّ نُفِخَ فِيهِ أُخْرَىٰ فَإِذَا هُمْ فِيَّامٍ يَنْظُرُونَ.

‘শিঙ্গায় ফুঁক দেয়া হবে, ফলে যাদেরকে আল্লাহ ইচ্ছা করেন তারা ব্যতীত আকাশমণ্ডলী ও পৃথিবীর সকলে মূর্ছিত হয়ে পড়বে। তারপর আবার শিঙ্গায় ফুঁক দেয়া হবে, তখনই তারা দণ্ডায়মান হয়ে তাকাতে থাকবে’ (যুমার ৩৯/৬৮)। মানুষের পুনরুত্থান দিবস সম্পর্কে এত পরিমাণ আলোচনা পবিত্র কুরআনে উপস্থাপিত হয়েছে, যা অস্বীকার করার কোন সুযোগ নেই। এ মর্মে মহান আল্লাহ আরো বলেন,

১০. ফী যিলালিল কুরআন, ৬/৩৯৮৫।

وَقَالُوا إِذَا كُنَّا عِظَامًا وَرُفَاتًا أَيْنَا لِمَبْعُوثُونَ خَلْقًا جَدِيدًا. قُلْ كُونُوا حِجَارَةً أَوْ حَدِيدًا. أَوْ خَلْقًا مِّمَّا يَكْبُرُ فِي صُدُورِكُمْ فَسَيَقُولُونَ مَنْ يُعِيدُنَا قُلِ الَّذِي فَطَرَكُمْ أَوَّلَ مَرَّةٍ فَسَيُنْغِضُونَ إِلَيْكَ رُءُوسَهُمْ وَيَقُولُونَ مَتَى هُوَ قُلْ عَسَى أَنْ يَكُونَ قَرِيبًا.

‘তারা বলে যখন আমরা অস্থিতে পরিণত ও চূর্ণ-বিচূর্ণ হয়ে যাব, তখনও কি নতুনভাবে সৃজিত হয়ে উত্থিত হব? বলুন! তোমরা পাথর হয়ে যাও কিংবা লোহা অথবা এমন কোন বস্তু, যা তোমাদের ধারণায় খুবই কঠিন। তথাপি তারা বলবে, আমাদের পুনর্বীর কে সৃষ্টি করবে? বলুন! যিনি তোমাদের প্রথমবার সৃজন করেছেন। অতঃপর তারা আপনার সামনে মাথা নাড়াবে এবং বলবে, এটা কবে হবে? বলুন! শীঘ্রই’ (বনী ইসরাঈল ১৭/৪৯-৫১)।

قَالَ مَنْ يُحْيِي الْعِظَامَ وَهِيَ رَمِيمٌ. قُلْ يُحْيِيهَا الَّذِي أَنْشَأَهَا أَوَّلَ مَرَّةٍ وَهُوَ بِكُلِّ خَلْقٍ عَلِيمٌ... أَوَلَيْسَ الَّذِي خَلَقَ السَّمَاوَاتِ وَالْأَرْضَ بِقَادِرٍ عَلَى أَنْ يَخْلُقَ مِثْلَهُمْ بَلَىٰ وَهُوَ الْخَلَّاقُ الْعَلِيمُ.

‘সে বলে অস্থিতে প্রাণ সঞ্চার করবে কে যখন তা পঁচে-গলে যাবে? বলুন, এর মধ্যে প্রাণ সঞ্চার করবেন তিনিই যিনি তাকে প্রথমবার সৃষ্টি করেছেন এবং তিনি প্রত্যেকটি সৃষ্টি সম্বন্ধে সম্যক পরিজ্ঞাত। যিনি আকাশমণ্ডলী ও পৃথিবী সৃষ্টি করেছেন তিনি কি তোমাদেরকে অনুরূপ সৃষ্টি করতে সমর্থ নন? হ্যাঁ, নিশ্চয়ই তিনি মহাস্রষ্টা, সর্বজ্ঞ’ (ইয়াসীন ৩৬/৭৮-৮১)।

এ আয়াতগুলিতে বিধর্মীদের ধৃষ্টতাপূর্ণ আচরণের কথা তুলে ধরা হয়েছে। আল্লাহ পুনরুত্থান সম্পর্কে আলোচনা এমনভাবে উপস্থাপন করেছেন, যেন সকল মানুষ সহজেই বুঝতে পারে। নিঃসন্দেহে কোন প্রকার নমুনা ছাড়াই প্রথমবার সৃষ্টি করাই বেশী জটিল। যিনি প্রথমবার সুচারুরূপে সৃষ্টিকাজ সুসম্পন্ন করেছেন দ্বিতীয়বার সৃষ্টি করা তার জন্য খুবই সহজ। তাছাড়া আল্লাহ সকল বিষয়ে সর্বশক্তিমান। তার জন্য এটা আরো সহজ। তিনি এমর্মে আরো বলেন,

إِنَّ فِي ذَلِكَ لَآيَةً لِّمَنْ خَافَ عَذَابَ الْآخِرَةِ ذَلِكَ يَوْمٌ مَّجْمُوعٌ لَهُ النَّاسُ وَذَلِكَ يَوْمٌ مَّشْهُودٌ.

‘নিশ্চয়ই এর মধ্যে নিদর্শন রয়েছে এমন প্রতিটি মানুষের জন্য, যে আখেরাতের আযাবকে ভয় করে, তা এমন এক দিন, যেদিন সব মানুষই সমবেত হবে, সে দিনটি হাযিরের দিন’ (হুদ ১১/১০৩)।

مِنْهَا خَلَقْنَاكُمْ وَفِيهَا نُعِيدُكُمْ وَمِنْهَا نُخْرِجُكُمْ تَارَةً أُخْرَى

‘আমি মাটি হতে তোমাদের সৃষ্টি করেছি এবং তাতেই তোমাদের ফিরিয়ে দিব, আবার মাটি হতেই পুনর্বীর তোমাদের বের করব’ (ত্বাহা ২০/৫৫)।

وَأَقْسَمُوا بِاللَّهِ جَهْدَ أَيْمَانِهِمْ لَا يَبْعَثُ اللَّهُ مَنْ يَمُوتُ بَلَى وَعَدًا عَلَيْهِ حَقًّا وَلَكِنَّ أَكْثَرَ النَّاسِ لَا يَعْلَمُونَ. لَيَبْيِّنَنَّ لَهُمْ الَّذِي يَخْتَلِفُونَ فِيهِ وَلَيَعْلَمَنَّ الَّذِينَ كَفَرُوا أَنََّّهُمْ كَانُوا كَاذِبِينَ.

‘তারা আল্লাহর নামে কঠোর শাপথ করে যে, যার মৃত্যু হয় আল্লাহ তাকে পুনরুজ্জীবিত করবেন না। অবশ্যই এর পাকাপোক্ত ওয়াদা হয়ে গেছে। কিন্তু অধিকাংশ লোক জানে না। তিনি পুনরুজ্জীবিত করবেনই, যাতে যে বিষয়ে তাদের মধ্যে মতানৈক্য ছিল তা প্রকাশ করা যায় এবং যাতে কাফেররা জেনে নেয় যে, তারা মিথ্যাবাদী ছিল’ (নাহাল ১৬/৩৮-৩৯)।

إِذَا مِتْنَا وَكُنَّا تُرَابًا وَعِظَامًا إِنَّنَا لَمَبْعُوثُونَ. أَوْ أَبَاؤُنَا لِلْأَوَّلُونَ. قُلْ نَعَمْ وَأَنْتُمْ دَاخِرُونَ. فَإِنَّمَا هِيَ زَجْرَةٌ وَاحِدَةٌ فَإِذَا هُمْ يَنْظُرُونَ. وَقَالُوا يَا وَيْلَنَا هَذَا يَوْمُ الدِّينِ. هَذَا يَوْمُ الْفَصْلِ الَّذِي كُنْتُمْ بِهِ تُكَذِّبُونَ.

‘আমরা মরে যাব এবং মাটি হয়ে ও হাড়ে পরিণত হয়ে যাব, তখনও কি আমরা পুনরুত্থিত হব? আমাদের পিতৃপুরুষগণও কি? বলুন! হ্যাঁ এবং তোমরা হবে লাঞ্চিত। বস্তুতঃ সে উত্থান হবে একটি বিকট শব্দ মাত্র যখন তারা প্রত্যক্ষ করতে থাকবে এবং বলবে দুর্ভাগ্য আমদের। এটাই তো প্রতিফল দিবস। বলা হবে এটাই ফায়ছালা দিবস, যাকে তোমরা মিথ্যা বলতে’ (ছাফফাত ৩৭/১৬-২১)।

আলোচ্য আয়াতগুলিতে প্রমাণিত হয়, বিচার দিবসকে অস্বীকার করার কোন পথ খোলা নেই। শেষ পর্যন্ত অস্বীকারীরাও বিচার দিবসকে স্বীকার করতে বাধ্য হবে। বিচার দিবস চির সত্য, প্রত্যেক মুসলমানকে এর উপর দৃঢ় ঈমান রাখতে হবে। অন্যথায় সূরার পরবর্তী আয়াতের অনুকূলে তারাও পতিত হবে। যারা দুনিয়াবী জীবনে বিচার দিবসকে অস্বীকার করে, তারা সেদিন

নিজেদেরকে লজ্জিত মনে করবে। তখন তাদের আফসোস করা ছাড়া আর কিছুই করার থাকবে না। উমাইয়া ইবনু আবিস-সালত (মৃতঃ ৬২৪ খ্রীঃ) বলেন,

الانبي لنا منا فيخبرنا ❀ ما بعد غايتنا من رأس محيانا

‘আমরা তেমন নবী চাই, যিনি বলবেন ভেদের কথা; জীবন মরণ শেষে আমরা গিয়ে পৌঁছব যেথা।’^{১১} জনৈক কবি বলেন,

الى ديان يوم الدين نمضى ❀ وعند الله تجتمع الخصوم

‘ক্বিয়ামতের দিন হিসাব গ্রহণকারীর নিকট চলেছি এবং আল্লাহর নিকটেই বাদী-বিবাদী সকলে একত্রিত হবে।’^{১২} পরবর্তী পর্যায়ের কবিদের কবিতাতেও বিচার দিবসের স্বীকৃতি পাওয়া যায়। কবি কেন, যে কোন ব্যক্তি ইসলাম সম্পর্কে গবেষণা করলেই তার সত্যতা স্বীকার করতে বাধ্য হবেন।

উপরের আলোচনা সামনে রেখে বলতে হয়, মৃত্যু এবং বিচার দিবসকে অস্বীকার করে কেউই নিষ্কৃতি পাবে না। এর কবলে সকলকে পড়তেই হবে। এ থেকে কেউ রেহাই পায়নি এবং পাবেও না। কারণ কোন জীবই মরণ থেকে নিজেকে বাঁচাতে পারবে না। আর যখন কেউ মৃত্যু বরণ করবে তখনই শুরু হবে পরকালের প্রাথমিক নমুনা। কবরের হিসাব তাকে দিতেই হবে। এখান থেকেই শুরু হয়ে যাবে বিচার দিবসের পূর্ব প্রস্তুতি। অতীতে অনেক প্রতাপশালী রাজা-বাদশা এ পৃথিবীতে বিচরণ করেছেন। যাদের কেউ কেউ নিজেকে স্রষ্টার আসনে আসীন করতেও দ্বিধাবোধ করেনি, তারাও কিন্তু মায়াবী পৃথিবী ছেড়ে পরপারে পাড়ি জমিয়েছেন। পরকালের জীবন থেকে মুক্ত থাকার ব্যাপারে মানুষের কোন শক্তি নেই। এটা সম্পূর্ণ আল্লাহর ইচ্ছাধীন। স্বেচ্ছায় হোক আর অনিচ্ছায় হোক সকলকে পরকালের মুখোমুখী হতে হবে। মহাকালের ইতিহাসই এর নীরব সাক্ষী। তাই শেষ দিবস তথা বিচার দিবসে মুক্তি পেতে চাইলে অন্যান্য বিষয়ের সাথে শেষ দিবসের প্রতিও ঈমান আনতে হবে। প্রকৃত মুমিন তারাই যারা দ্বিধাহীন চিন্তে প্রতিফল দিবসকে মেনে নিয়েছে। আর তাদের জন্য আল্লাহর নিকট উত্তম প্রতিদান মওজুদ আছে।

১১. আ. ত. ম. মুহলেহ উদ্দীন, আরবী সাহিত্যের ইতিহাস (ঢাকা : ইসলামিক ফাউন্ডেশন বাংলাদেশ, ৩য় প্রকাশঃ জুন, ১৯৯৫ ইং), পৃঃ ৯৯।

১২. ইসলাম ও জাহেলিয়াতের দ্বন্দ্ব, পৃঃ ৪৫।

দ্বিতীয়তঃ ইয়াতীমদের সাথে সদ্যবহার করা :

আল্লাহ তা‘আলা বলেন, **الَّذِي يَدْعُ الْيَتِيمَ**, ‘সে সেই ব্যক্তি, যে ইয়াতীমকে গলাধাক্কা দিয়ে তাড়িয়ে দেয়, (মাউন ১০৭/২)। যারা বিচার দিবসকে অস্বীকার করে তারাই পিতৃহীন ইয়াতীমদের সাথে রুঢ় আচরণ করে, তাকে গলাধাক্কা দিয়ে তাড়িয়ে দেয়। এ শ্রেণীর ব্যক্তিদের থেকে বাঁচতে হ’লে অবশ্যই ইয়াতীমদের সাথে উত্তম ব্যবহার করতে হবে। এ আয়াতে পরোক্ষভাবে মুসলিম মিল্লাতকে এ শিক্ষাই দেওয়া হয়েছে। অনাথ ইয়াতীমদের সাথে ভাল ব্যবহার করার মাধ্যমে মনের কালিমা দূরীভূত হয়। তাছাড়া ইয়াতীমদের জীবন বড়ই অসহায়ত্বের জীবন। কারণ তারা অপ্রাপ্ত বয়সে পৃথিবীর এক মহা মূল্যবান অভিভাবক, পিতাকে হারিয়েছে। যে বেদনা ভুলার নয় তথাপিও ধৈর্য ধারণ করতে হয়। পিতার অনুপস্থিতিতে অন্যদেরকে তারা পিতার স্থানে দেখতে অধিক আগ্রহী হওয়ায় স্বাভাবিক। অন্যরা যদি তাদের সাথে অভিভাবকত্ব সুলভ আচরণ করে, তাহ’লে হয়ত পিতার বিয়োগ ব্যাখ্যা দূর করতে তাদের জন্য সহজ হয়। এ দৃষ্টিকোণ থেকেও তাদের সাথে সুন্দর ব্যবহার করা সকলের নৈতিক দায়িত্ব। পিতৃহীনদের সাথে উত্তম আচরণ করা সম্পর্কে পবিত্র কুরআন এবং মহানবী ^{হাদীসা-ই আল্লাহিহে ওয়াসওয়াহ} -এর মুখনিঃসৃত বাণীতে বেশ গুরুত্বারোপ করা হয়েছে। এমর্মে আল্লাহ তা‘আলা বলেন,

وَأَمَّا إِذَا مَا ابْتَلَاهُ فَقَدَرَ عَلَيْهِ رِزْقُهُ فَيَقُولُ رَبِّي أَهَانَنِ. كَلَّا بَلْ لَا تُكْرِمُونَ الْيَتِيمَ.

‘যখন তিনি তাকে পরীক্ষা করেন, অতঃপর রিযিক সংকুচিত করে দেন, তখন বলে, আমার পালনকর্তা আমাকে হেয় করেছেন। না, কখনোই নয়। বস্তুতঃ তোমরা ইয়াতীমকে সম্মান কর না’ (ফজর ৮৯/১৬-১৭)। পবিত্র কুরআনের অত্র বাণীতে বুঝা যায় ইয়াতীমদের প্রতি সদাচরণ না করলে আল্লাহ তার রিযিককে সংকুচিত করে দেন। তাদের প্রতি দয়া প্রকাশ করার মাধ্যমে উপার্জনে স্বচ্ছলতার ইঙ্গিতও এর মধ্যে পাওয়া যায়।

যে ব্যক্তি পিতৃহীনের সহায়-সম্পত্তি হরণ করে তাকে গলাধাক্কা দিয়ে তাড়িয়ে দেয়, তার কাছে কোন পিতৃহীন সাহায্যের আবেদন জানালে সে তাকে তাড়িয়ে দেয়। উপরন্তু সে তার প্রতি অত্যাচার করে। যে পাষাণ পিতৃহীনের প্রতি অনুরূপ আচরণ করে সে মুখে পরকালকে অস্বীকার করুক আর নাই করুক সে আসলেই পরকালে অবিশ্বাসী।^{১৩} কোন ব্যক্তি পরকালের প্রতি বিশ্বাস স্থাপন করলে সে ইয়াতীমদের প্রতি রুঢ় আচরণ করতে পারে না। তাদের সম্পর্কে মহান আল্লাহ অন্যত্র বলেন,

১৩. আঃ নূর কুরআন মাজীদ, পৃঃ ৬৩; ফী যিলালিল কুরআন, ৬/৩৯৮৫।

وَيَسْأَلُونَكَ عَنِ الْيَتَامَىٰ قُلْ إِصْلَاحٌ لَهُمْ خَيْرٌ وَإِنْ تُخَالِطُوهُمْ فَإِخْوَانُكُمْ وَاللَّهُ يَعْلَمُ الْمُفْسِدَ مِنَ الْمُصْلِحِ.

‘হে নবী! তারা আপনাকে জিজ্ঞেস করে ইয়াতীম সংক্রান্ত হুকুম। বলে দিন! তাদের কাজ-কর্ম সঠিকভাবে গুছিয়ে দেয়া উত্তম, আর যদি তাদের ব্যয়ভার নিজের সাথে মিশিয়ে নাও তাহ’লে মনে করবে তারা তোমার ভাই। বস্তুতঃ অমঙ্গলকামী ও মঙ্গলকামীদেরকে আল্লাহ জানেন’ (বাক্বারাহ ২/২২০)।

অনাথ-ইয়াতীমদেরকে স্বীয় ভাইয়ের মত করে লালন-পালন করতে হবে। কোনভাবে যেন তাদের প্রতি অবিচার না হয়, এ বিষয়ে সজাগ দৃষ্টি রাখতে হবে। মহান আল্লাহ বলেন,

وَأْتُوا الْيَتَامَىٰ أَمْوَالَهُمْ وَلَا تَبْدِلُوا الْخَيْثَ بِالطَّيِّبِ وَلَا تَأْكُلُوا أَمْوَالَهُمْ إِلَىٰ أَمْوَالِكُمْ إِنَّهُ كَانَ حُوبًا كَبِيرًا. وَإِنْ خِفْتُمْ أَلَّا تُقْسِطُوا فِي الْيَتَامَىٰ فَانْكَحُوا مَا طَابَ لَكُمْ مِنَ النِّسَاءِ مَتْنًى وَثَلَاثَ وَرُبَاعَ فَإِنْ خِفْتُمْ أَلَّا تَعْدِلُوا فَوَاحِدَةً أَوْ مَا مَلَكَتْ أَيْمَانُكُمْ ذَلِكَ أَدْنَىٰ أَلَّا تَعُولُوا.

‘ইয়াতীমদেরকে তাদের ধন-সম্পদ বুঝিয়ে দাও। সাবধান! খারাপ মালের সাথে ভাল মালের পরিবর্তন করো না। আর তাদের ধন-সম্পদ নিজেদের ধন-সম্পদের সাথে মিশ্রিত করে তা গ্রাস করো না। নিশ্চয়ই এটা বড় অপরাধ বা মন্দ কাজ। আর যদি তোমরা আশংকা কর যে ইয়াতীমদের (মেয়েদের) প্রতি সুবিচার করতে পারবে না, তবে নারীগণের মধ্য হ’তে তোমাদের পসন্দ মত দুই দুই, তিন তিন অথবা চার চারজনকে বিয়ে কর; কিন্তু যদি তোমরা আশংকা কর যে, ন্যায়বিচার করতে পারবে না তবে মাত্র একজনকে অথবা তোমাদের দক্ষিণ হাত যার অধিকারী (ক্রীতদাসী) তাকে (বিয়ে কর)। এটা অবিচার না করার নিকটবর্তী’ (নিসা ৪/২-৩)। তাদের কোন উত্তম সম্পদের সাথে নিজেদের নিম্নমানের সম্পদ দ্বারা রদ-বদল করা মহা অন্যায়। তাদের সম্পদ অন্যায়ভাবে ভোগ করাও অন্যায়। সম্পদের সুষ্ঠু ব্যবহারের দিকে খেয়াল রাখা সংশ্লিষ্ট ব্যক্তির অবশ্য কর্তব্য। অন্যত্র আল্লাহ বলেন,

وَابْتَلُوا الْيَتَامَىٰ حَتَّىٰ إِذَا بَلَغُوا النِّكَاحَ فَإِنْ آنَسْتُمْ مِنْهُمْ رُشْدًا فَادْفَعُوا إِلَيْهِمْ أَمْوَالَهُمْ وَلَا تَأْكُلُوهَا إِسْرَافًا وَبِدَارًا أَنْ يَكْبَرُوا وَمَنْ كَانَ غَنِيًّا فَلْيَسْتَغْفِفْ وَمَنْ كَانَ فَقِيرًا فَلْيَأْكُلْ بِالْمَعْرُوفِ فَإِذَا دَفَعْتُمْ إِلَيْهِمْ أَمْوَالَهُمْ فَأَشْهَدُوا عَلَيْهِمْ وَكَفَىٰ بِاللَّهِ حَسِيبًا.

‘ইয়াতীমদের প্রতি বিশেষভাবে নয়র রাখবে যে পর্যন্ত না তারা বিয়ের বয়সে পৌঁছে। যদি তাদের মধ্যে বুদ্ধি-বিবেচনার উন্মেষ আঁচ করতে পার, তবে তাদের সম্পদ তাদের হাতে অর্পণ করতে পার। আর ইয়াতীমের সম্পদ প্রয়োজনাতিরিক্ত খরচ করো না বা বড় হয়ে যাবে মনে করে তাড়াতাড়ি খেয়ে ফেলো না এবং যে ব্যক্তি অভাব মুক্ত হবে সে নিজেকে সম্পূর্ণ বিরত রাখবে, আর যে ব্যক্তি অভাবগ্রস্ত হবে সে সঙ্গত পরিমাণ ভোগ করবে, অনন্তর যখন তাদের সম্পত্তি তাদেরকে সমর্পণ করতে চাও তখন তাদের জন্য সাক্ষী রেখো এবং আল্লাহই হিসাব গ্রহণে যথেষ্ট’ (নিসা ৪/৬)। আয়েশা ^{রাযিমায়া-৳} বলেন, আয়াতটি ইয়াতীমের অভিভাবক সম্বন্ধে অবতীর্ণ হয়েছে। অভিভাবক যদি অভাবগ্রস্ত হয়, তাহ’লে ন্যায়সঙ্গতভাবে ইয়াতীমের সম্পত্তি থেকে খেতে পারবে।^{১৪} ইয়াতীম অপ্রাপ্ত বয়স্ক বালক-বালিকারা উপযুক্ত বয়সে উপনীত না হওয়া পর্যন্ত তাদের সম্পদের পূর্ণ হেফাযত করতে হবে দায়িত্বপ্রাপ্ত অভিভাবককে। আবার তারা পরিণত বয়সে উপনীত হ’লে তাদের নিকট তা তড়িৎ ফেরত দিতে হবে। এক্ষেত্রে বিলম্ব করা বা কোনরূপ টালবাহানা করা গুরুতর অপরাধ। যাদের অর্থিক স্বচ্ছলতা আছে। তাদের উচিত নয় অনাথদের সম্পদ ভোগ করা। তবে যদি তারা দরিদ্র হয়, তাহ’লে মনের মধ্যে কোন প্রকার কুচিন্তা ব্যতীত ন্যায় সঙ্গতভাবে তাদের সম্পদ প্রয়োজন মারফিক ভোগ করাতে কোন দোষ নেই। আব্দুল্লাহ ইবনু আব্বাস ^{রাযিমায়া-৳} কে জিজ্ঞেস করা হয়েছিল, কখন ইয়াতীমের ইয়াতীমত্বের অবসান হয়? উত্তরে তিনি বলেন, আমার জীবনের শপথ! অনেক সময় কোন ব্যক্তির দাড়ি গজিয়ে যায়; অথচ সে তার নিজের হক্ গ্রহণে দুর্বল থাকে এবং অন্য কারো হক্ দানের বেলায়ও দুর্বল থাকে। সুতরাং যখন সে লোকদের মত নিজের অধিকার বুঝে নিতে পারে, তখনই তার ইয়াতীমত্বের অবসান ঘটে।^{১৫}

অপর এক বর্ণনায় এসেছে, যখন সে বিবাহ যোগ্য হয়, তার মধ্যে বুদ্ধি-বিবেচনা পরিলক্ষিত হয় এবং তার সম্পদ তার কাছে প্রত্যর্পণ করা হয়, তখন তার ইয়াতীমত্বের অবসান ঘটে।^{১৬} অন্যত্র আল্লাহ বলেন,

إِنَّ الَّذِينَ يَأْكُلُونَ أَمْوَالَ الْيَتَامَىٰ ظُلْمًا إِنَّمَا يَأْكُلُونَ فِي بُطُونِهِمْ نَارًا وَهُمْ لَا يَبْصُرُونَ سَعِيرًا.

‘যারা ইয়াতীমের অর্থ-সম্পদ অন্যায়ভাবে ভক্ষণ করে, তারা নিজের পেটে আগুনই ভর্তি করে এবং সত্ত্বরই তারা অগ্নিতে প্রবেশ করবে’ (নিসা ৪/১০)।

১৪. ছহীহ বুখারী, হা/২৭৬৫।

১৫. ছহীহ মুসলিম হা/৪৭৮৭।

১৬. ছহীহ মুসলিম হা/৪৭৯১।

আবু সাঈদ খুদরী <sup>রাযীরাহু-
আল্লাইহে
ওয়াসাল্লাম</sup> বলেন, রাসূলুল্লাহ <sup>সাল্লাল্লাহু-
আলাইহে
ওয়াসাল্লাম</sup> মি'রাজের ঘটনায় বলেন, 'আমাকে কিছু লোকের নিকট নিয়ে যাওয়া হল যাদের উপর ফেরেশতাদেরকে ন্যাস্ত্ব করা হয়েছে। তাঁরা তাদের মুখ খুলে ধরে জাহান্নামের গরম পাথর মুখে ঢুকিয়ে দিচ্ছেন, যা তাদের মুখের ভিতর দিয়ে প্রবেশ করে পিছনের রাস্তা দিয়ে বেরিয়ে যাচ্ছে। আমি জিবরীল (আঃ) কে জিজ্ঞেস করলাম, এরা কারা? তিনি বললেন, এরা অন্যায়ভাবে ইয়াতীমদের সম্পদ ভক্ষণকারী। তারা তাদের পেটের ভিতর আগুন ভরতে ব্যস্ত থাকবে'।^{১৭}

অন্যায়ভাবে ইয়াতীমদের সম্পদ ভোগ করলে প্রকারান্তরে উদরে জাহান্নামের আগুনই পূর্ণ করা হয়। তাদের সম্পদের সুষ্ঠু ব্যবহার করা জাহান্নাম হ'তে বাঁচার একটা মাধ্যম। মহান আল্লাহ এত কঠিন শাস্তির কথা বলার কারণ হ'ল, যেন ঐ অনাথদের উপর কেউ অবিচার না করে। মহানবী <sup>সাল্লাল্লাহু-
আলাইহে
ওয়াসাল্লাম</sup> সাতটি ধবংসকারী বিষয় থেকে বিরত থাকতে বলেছেন, তন্মধ্যে (অন্যায়ভাবে) ইয়াতীমের সম্পদ গ্রাস করা অন্যতম।^{১৮}

عَنْ أَبِي هُرَيْرَةَ قَالَ قَالَ رَسُولُ اللَّهِ ﷺ اللَّهُمَّ إِنِّي أُرْجِي حَقَّ الضَّعِيفِينَ الْيَتِيمِ وَالْمَرْأَةِ.

আবু হুরায়রা <sup>রাযীরাহু-
আল্লাইহে
ওয়াসাল্লাম</sup> হ'তে বর্ণিত। তিনি বলেন, রাসূলুল্লাহ <sup>সাল্লাল্লাহু-
আলাইহে
ওয়াসাল্লাম</sup> বলেছেন, 'হে আল্লাহ! আমি দু'প্রকার দুর্বল লোকের হক্ক (নষ্ট করা) নিষিদ্ধ করেছি, তারা হল ইয়াতীম ও মহিলা'।^{১৯} ইয়াতীমরা দুর্বল হওয়ার কারণে তাদের অধিকার নষ্ট করতে স্বয়ং মহানবী <sup>সাল্লাল্লাহু-
আলাইহে
ওয়াসাল্লাম</sup> নিষেধ করেছেন। এতে বুঝা যায় যে, তাদের অধিকার সঠিকভাবে হেফায়ত করতঃ সময় মত তাদের নিকট পৌঁছে দিতে হবে। নতুবা অনাথের অধিকার নষ্টের অভিযোগে জাহান্নামের জ্বলন্ত শিখায় জ্বলতে হবে অনন্তকাল।

وَلَا تَقْرَبُوا مَالَ الْيَتِيمِ إِلَّا بِالَّتِي هِيَ أَحْسَنُ حَتَّىٰ يَبْلُغَ أَشُدَّهُ وَأَوْفُوا بِالْعَهْدِ إِنَّ الْعَهْدَ كَانَ مَسْئُولًا.

'আর ইয়াতীমের মালের নিকটেও যেয়ো না, একমাত্র তার কল্যাণ কামনা ছাড়া, সংশ্লিষ্ট ব্যক্তির যৌবনে পদার্পন করা পর্যন্ত এবং অঙ্গীকার পূর্ণ কর। নিশ্চয়ই অঙ্গীকার সম্পর্কে জিজ্ঞাসাবাদ করা হবে' (বনী ইসরাঈল ১৭/৩৪)।

তাদের প্রতি সদয় হওয়া খুবই গুরুত্বপূর্ণ বিষয়। কেননা রাসূলুল্লাহ <sup>সাল্লাল্লাহু-
আলাইহে
ওয়াসাল্লাম</sup> ও ইয়াতীম ছিলেন। এ ঘোষণা দিয়ে আল্লাহ পাক স্বীয় নবীকে সান্ত্বনা দিচ্ছেন,

১৭. মুসলিম, আল-কাবায়ির, পৃঃ ১০৮।

১৮. ছহীহ বুখারী, হা/২৭৬৬।

১৯. ইবনে মাজাহ, সনদ হাসান, হা/৩৬৭৮।

أَلَمْ يَجِدْكَ يَتِيمًا فَآوَىٰ. وَوَجَدَكَ ضَالًّا فَهَدَىٰ. وَوَجَدَكَ عَائِلًا فَأَغْنَىٰ. فَأَمَّا الْيَتِيمَ فَلَا تَقْهَرْ. وَأَمَّا السَّائِلَ فَلَا تَنْهَرْ.

‘তিনি (আল্লাহ) কি আপনাকে ইয়াতীম রূপে পাননি? অতঃপর তিনি আশ্রয় দিয়েছেন। তিনি আপনাকে পেয়েছেন পথহারা, অতঃপর পথ প্রদর্শন করেছেন। পেয়েছেন নিঃস্ব, অতঃপর অভাবমুক্ত করেছেন। সুতরাং আপনি ইয়াতীমদের প্রতি কঠোর হবেন না এবং সাওয়ালকারীকে ধমক দিবেন না’ (যোহা ৯৩/৬-১০)। উল্লেখিত আয়াতে দৃষ্টিপাত করলে দেখতে পাব কোনক্রমেই ইয়াতীমদের গলাধাক্কা বা তাদের সাথে অশালীন আচরণ করা যাবে না। বরং তাদের সাথে সদা-সর্বদা সদ্ব্যবহার করতে হবে। সাথে সাথে পরিণত বয়সে তাদের ধন-সম্পদের পুরোপুরি হেফাযত করতে হবে। অন্যথায় শেষ দিবসে বিচারের কাঠগড়ায় ঠেকে যেতে হবে। স্বয়ং আল্লাহ তাঁর নবীকে ইয়াতীমদের প্রতি কঠোর হ’তে নিষেধ করেছেন এবং ধমক দিয়ে বলেছেন, ‘আপনাকে কি ইয়াতীম অবস্থায় পাইনি?’ এক্ষণে বিষয়টি কত জটিল তা তনুমনে গভীরভাবে প্রত্যেকের ভাবা উচিত।

রাসূলুল্লাহ <sup>হাদীসা-হু
‘আলাইহে
ওয়াসাল্লাম</sup> ও ইয়াতীমদের প্রতি সদয় আচরণ সম্পর্কে তাকীদ করেছেন। সাথে সাথে সুন্দরভাবে লালন-পালন ও তাদের প্রতি সর্বোত্তম ব্যবহারের জন্য লোভনীয় বিনময়ও ঘোষণা করেছেন। যেমনটি হাদীছে বিধৃত হয়েছে-

عَنْ سَهْلٍ قَالَ قَالَ رَسُولُ اللَّهِ ﷺ أَنَا وَكَافِلُ الْيَتِيمِ فِي الْجَنَّةِ هَكَذَا وَأَشَارَ بِالسَّبَابَةِ وَالْوُسْطَى، وَفَرَجَ بَيْنَهُمَا شَيْئًا.

সাহল ইবনু সা‘দ <sup>হাদীসা-হু
‘আলাইহে
ওয়াসাল্লাম</sup> বলেন, রাসূলুল্লাহ <sup>হাদীসা-হু
‘আলাইহে
ওয়াসাল্লাম</sup> বলেছেন, ‘আমি ও ইয়াতীমের দায়িত্ব বহনকারী, সে ইয়াতীম নিজের নিকটতম আত্মীয় হোক বা অন্য কেউ হোক জান্নাতে এভাবে থাকবে। এ কথা বলে তিনি নিজের শাহাদত ও মধ্যমা আঙ্গুল দ্বারা ইশারা করলেন এবং উভয়ের মাঝে কিঞ্চিৎ ফাঁক রাখলেন।^{২০} ইয়াতীম প্রতি-পালনের জন্য মহা পুরস্কার হচ্ছে জান্নাতে নবী করীম <sup>হাদীসা-হু
‘আলাইহে
ওয়াসাল্লাম</sup>-এর সাথে অবস্থানের সুবর্ণ সুযোগ লাভ। বিভিন্ন প্রকার ভাল কাজের জন্য মহান আল্লাহ জান্নাতের ঘোষণা দিয়েছেন। তবে রাসূল <sup>হাদীসা-হু
‘আলাইহে
ওয়াসাল্লাম</sup>-এর সাথে অবস্থানের বিষয়ে কোন কথা বলেননি। এখানেও একজন বিবেকবান ব্যক্তির জন্য গবেষণার যথেষ্ট খোরাক রয়েছে।

عن أبي هريرة عن النبي ﷺ الساعي على الأرملة والمسكين كالمجاهد في سبيل الله وكالذي يصوم النهار ويقوم الليل.

আবু হুরায়রা ^{রাযীয়াল্লাহু আনহু} হ'তে বর্ণিত তিনি বলেন, রাসূলুল্লাহ ^{হাদীসা-হু আলহিছে ওয়াসাল্লাম} বলেছেন, বিধবা ও নিঃস্বদের প্রতিপালনে যত্নবান ব্যক্তি আল্লাহর পথে জিহাদে লিপ্ত ব্যক্তির সমতুল্য। যে দিনে ছিয়াম পালন করে এবং রাত্রি বেলায় নফল ছালাতে লিপ্ত থাকে।^{২১} তাদের লালন-পালনের বদৌলতে দিনে ছিয়াম আর রাতে ছালাত আদায়ের অধিকারী হওয়া যায়। একজন মুসলিম ব্যক্তির জন্য এর চেয়ে বড় পাওয়া আর কী হ'তে পারে?

عَنْ عَائِشَةَ زَوْجِ النَّبِيِّ ﷺ حَدَّثَتْهُ قَالَتْ جَاءَتْنِي امْرَأَةٌ مَعَهَا ابْنَتَانِ تَسْأَلْنِي فَلَمْ تَجِدْ عِنْدِي غَيْرَ تَمْرَةٍ وَاحِدَةٍ فَأَعْطَيْتُهَا فَقَسَمَتْهَا بَيْنَ ابْنَتَيْهَا ثُمَّ قَامَتْ فَفَخَرَجَتْ فَدَخَلَ النَّبِيُّ ﷺ فَحَدَّثَتْهُ فَقَالَ مَنْ يَلِي مِنْ هَذِهِ الْبَنَاتِ شَيْئًا فَأَحْسَنَ إِلَيْهِنَّ كُنَّ لَهُ سِتْرًا مِنَ النَّارِ.

আয়েশা ^{রাযীয়াল্লাহু আনহা} হ'তে বর্ণিত। তিনি বলেন, একদা একজন স্ত্রীলোক দু'টি মেয়ে (ইয়াতীমা) সাথে নিয়ে আমার কাছে এসে কিছু চাইল। আমার কাছে একটি খেজুর ব্যতীত আর কিছুই সে পেল না। আমি তাকে ওটা দিলাম। স্ত্রীলোকটি তার দু'মেয়েকে খেজুরটি ভাগ করে দিল। তারপর সে বের হয়ে চলে গেল। এ সময় নবী করীম ^{হাদীসা-হু আলহিছে ওয়াসাল্লাম} এলেন। আমি তাঁকে ব্যাপারটি জানালাম। তখন তিনি বললেন, যাকে এসব কন্যা সন্তান দিয়ে কোন পরীক্ষা করা হয়, অতঃপর সে তাদের সাথে ভাল ব্যবহার করে, এ কন্যারা তার জন্য জাহান্নামের আগুন থেকে প্রতিবন্ধক হবে।^{২২}

عَنْ أَنَسٍ رَضِيَ اللَّهُ عَنْهُ قَالَ قَالَ قَدِمَ رَسُولُ اللَّهِ ﷺ الْمَدِينَةَ لَيْسَ لَهُ خَادِمٌ فَأَخَذَ أَبُو طَلْحَةَ بِيَدِي فَانْطَلَقَ بِي إِلَى رَسُولِ اللَّهِ ﷺ فَقَالَ يَا رَسُولَ اللَّهِ إِنَّ أَنَسًا غُلَامٌ كَيْسٌ فَلْيُخْدَمْكَ قَالَ فَخْدَمْتُهُ فِي السَّفَرِ وَالْحَضَرِ مَا قَالَ لِي لَشَيْءٍ صَنَعْتُهُ لَمْ صَنَعْتَ هَذَا هَكَذَا وَلَا لَشَيْءٍ لَمْ أَصْنَعْهُ لَمْ تَصْنَعْ هَذَا هَكَذَا.

আনাস ^{রাযীয়াল্লাহু আনহু} হ'তে বর্ণিত। তিনি বলেন, রাসূলুল্লাহ ^{হাদীসা-হু আলহিছে ওয়াসাল্লাম} যখন (হিজরত করে) মদীনাতে এলেন, তখন তাঁর কোন খাদেম ছিল না। আবু ত্বাহহা ^{রাযীয়াল্লাহু আনহু} আমার হাত ধরে রাসূল ^{হাদীসা-হু আলহিছে ওয়াসাল্লাম}-এর নিকট আমাকে নিয়ে গেলেন এবং বললেন, 'হে আল্লাহর রাসূল ^{হাদীসা-হু আলহিছে ওয়াসাল্লাম}! আনাস একজন বুদ্ধিমান ছেলে। সে আপনার খেদমত

২১. ছহীহ আল-আদাবুল মুফরাদ, সনদ ছহীহ, হা/১৩১।

২২. ছহীহ বুখারী, হা/৫৯৯৫।

করবে'। অতঃপর সফরে ও আবাসে আমি তাঁর খেদমত করেছি। আমার কোন কাজ সম্পর্কে তিনি কখনো বলেননি, তুমি এরূপ কেন করলে? কোন কাজ না করলে তিনি বলেননি, তুমি এটি এ রকম কেন করলে না।^{২৩}

أسماء بن عبيد قال قلت لابن سيرين عندي يتيم قال اصنع به ما تصنع بولدك
أضر به ما تضرب ولدك.

আসমা ইবনে উবায়দ বলেন, আমি ইবনে সীরীনকে বললাম, আমার কাছে একটি ইয়াতীম আছে। তিনি বললেন, তুমি তার সাথে সে ব্যবহারই করবে, যেমনটি তুমি তোমার পুত্রের সাথে করে থাক। তুমি তাকে প্রহার করবে, যে রূপ প্রহার তুমি তোমার পুত্রকে করে থাক।^{২৪} অন্য বর্ণনায় রয়েছে, ইয়াতীমের জন্য সদয় হও পিতৃসদৃশ।^{২৫}

عن أبي بكر بن حفص أن عبد الله كان لا يأكل طعاماً إلا وعلى خوانه يتيم.
আবু বকর ইবনে হাফস বলেন, আব্দুল্লাহ ^{রাঃ} একটি ইয়াতীমকে সাথে নেয়া ব্যতীত কখনো খাবার খেতেন না।^{২৬} ইয়াতীমদের প্রতি সদাচরণ করার উত্তম দৃষ্টান্ত আর কী হ'তে পারে!

উপরের আলোচনা থেকে দিবালোকের ন্যায় প্রতিভাত হয়েছে যে, পিতৃহীন তথা ইয়াতীমদের সাথে কোন অবস্থাতেই খারাপ আচরণ করা যাবে না। সর্বদা তাদের সাথে উত্তম আচরণ করতে হবে। অন্যথায় বিচার দিবসে অনিষ্টের বিষাক্ত ছোবল হ'তে নিষ্কৃতি পাওয়া বড়ই দুষ্কর হয়ে পড়বে। আনাস ^{রাঃ} একজন ইয়াতীম বালক, তার সাথে রাসূলুল্লাহ ^{সঃ} কিরূপ ব্যবহার দেখিয়েছেন মানুষের জন্য তা অনুসরণীয়। কোন কাজের জন্য তাকে ধমক পর্যন্ত দেননি। বরং তার সাথে সর্বোত্তম আচরণ করে তাকে চির কৃতজ্ঞতার পাশে আবদ্ধ করেছেন। তবে শিষ্টাচার শিক্ষা দেয়ার মানসে ইয়াতীম শিশুকে ন্যায় সঙ্গতভাবে শাসন করাতে কোন দোষ নেই।

عن شمسة العتكية قالت ذكر أدب اليتيم عند عائشة رضي الله عنها فقالت
إني لأضرب اليتيم حتى ينبسط.

শুমায়সা আতাকিয়া বলেন, একদা আয়েশা (রাঃ)-এর নিকট ইয়াতীমের শাসন প্রসঙ্গ উত্থাপিত হল। তখন তিনি বললেন, ইয়াতীমকে আমি অবশ্যই (শাসনচ্ছলে) প্রহার করি।^{২৭}

২৩. ছহীহ বুখারী, হা/২৭৬৮।

২৪. ছহীহ আল-আদাবুল মুফরাদ, হাদীছ ছহীহ, হা/১৪০।

২৫. ছহীহ আল-আদাবুল মুফরাদ, সনদ ছহীহ, হা/১৩৮।

২৬. ছহীহ আল-আদাবুল মুফরাদ, সনদ ছহীহ, হা/১৩৬।

২৭. ছহীহ আল-আদাবুল মুফরাদ, সনদ ছহীহ, হা/১৪২।

তৃতীয়তঃ অনুহীনে অনুদান :

আল্লাহ তা‘আলা বলেন, **وَلَا يَحْضُرُ عَلَى طَعَامِ الْمَسْكِينِ** ‘তারা অভাবগ্রস্তকে অনুদানে উৎসাহিত করে না’ (মাউন ১০৭/৩; হাক্কহ ৬৯/৩৪)। এ ছাড়াও আল্লাহ অন্যত্র বলেন, **وَلَا تَحَاضُّونَ عَلَى طَعَامِ الْمَسْكِينِ** ‘এবং তোমরা অভাবগ্রস্তদেরকে খাদ্য দানে পরস্পরকে উৎসাহিত কর না’ (ফজর ৮৯/১৮)। আয়াতগুলিতে একথা স্পষ্ট যে, যারা পরকালে বিশ্বাস স্থাপন করে না, তারা গরীব-মিসকীন তথা অভাবীদেরকে নিজে খাদ্য দান করে না কিংবা খাদ্য দানে অন্যকেও উৎসাহ প্রদান করে না। মূলতঃ এটা পরকালে অবিশ্বাসীদের আচরণ। বিধায় শেষ দিবসে মুক্তি পেতে হ’লে অভাবগ্রস্তদের অনুদানে উৎসাহী হ’তে হবে। আর যারা মিসকীনদেরকে খাদ্য দানে উৎসাহিত করে না, অসহায় সর্বহারা দুস্থের পুনর্বাসনে অনুপ্রেরণা যোগায় না, যারা তাদের প্রতি দৃষ্টি রাখা ও তাদের অভাব পূরণের জন্যে উপদেশ ও পরামর্শ প্রদান করে না, তারা যদি প্রকৃতপক্ষে দ্বীনের প্রতি বিশ্বাসী হ’ত, যদি তাদের অন্তরে দৃঢ়ভাবে ঈমান থাকত, তবে কখনও তারা মিসকীন ও সর্বহারাদেরকে খাদ্য দানে নিরুৎসাহিত করার মত উদ্ধত আচরণ প্রদর্শন করতে পারতনা। তারা মিসকীনদের বঞ্চিত করার নির্মম প্রেরণা যোগাত না।^{২৮}

যে ব্যক্তি কাঙ্গালজনে খাদ্য দানের জন্য লোকদেরকে উৎসাহিত করে না। এর অন্তর্নিহিত অর্থ হচ্ছে, কাঙ্গালকে যে খাবার পরিবেশন করা হয় তা মূলতঃ দাতার নিজের খাবার নয়। আসলে সেটা কাঙ্গালেরই প্রাপ্য অধিকার, যা তার কাছে গচ্ছিত ছিল। দাতা কাঙ্গালের ন্যায্য পাওনা ফিরিয়ে দিচ্ছে মাত্র। কেননা আল্লাহ তার সম্পদে ঐ দরিদ্রের পূর্ণ অধিকার রেখে দিয়েছেন। আল্লাহ তার নিকটে আমানত হিসাবে তা রেখে দিয়েছিলেন যেন সময় মত তার নিকট পৌঁছে যায়। এর প্রমাণে সূরা মা‘আরিজে আল্লাহ বলেন,

وَالَّذِينَ فِي أَمْوَالِهِمْ حَقٌّ مَّعْلُومٌ لِّلسَّائِلِ وَالْمَحْرُومِ-

‘আর যাদের সম্পদে নির্ধারিত হক্ক রয়েছে, যাঞ্চকারী ও বঞ্চিতের’ (মা‘আরিজ ৭০/২৪-২৫)। আল্লাহ অন্যত্র বলেন, **وَفِي أَمْوَالِهِمْ حَقٌّ لِّلسَّائِلِ وَالْمَحْرُومِ**-, ‘এবং তাদের সম্পদে রয়েছে অভাবগ্রস্ত ও বঞ্চিতের অধিকার’ (যারিয়াত ৫১/১৯)। কাঙ্গালকে ন্যায্য অধিকার থেকে বঞ্চিত করা পরকালকে অস্বীকার করারই নামান্তর। অত্র সূরার এ আয়াতে বলা হয়েছে, যে ব্যক্তি কর্মফল

২৮. ফী যিলালিল কুরআন, ৬/৩৯৮৫।

দিবসকে অবিশ্বাস করে তার চরিত্রে অসংখ্য অনৈতিকতা ও চারিত্রিক বিপর্যয় সৃষ্টি হয়। তন্মধ্যে দু'টোর উল্লেখ এখানে করা হয়েছে। কর্মফলে বিশ্বাসী ব্যক্তির দ্বারা কখনও পিতৃহীনের ন্যায় হক্ক বিনষ্ট হ'তে পারে না। বরং সে কাঙ্গালজনে খেতে দেয় এবং অন্যকে খাবার পরিবেশন করার জন্য উৎসাহ প্রদান করে।^{২৯}

রাসূলুল্লাহ ^{হুদায়া-হু} বলেছেন, 'যে ব্যক্তি কোন মুমিনের দুনিয়ার কষ্ট সমূহ হ'তে কোন (সামান্য) একটি কষ্টও দূর করে দিবে, আল্লাহ তা'আলা তার ক্রিয়ামতের দিনের কষ্ট সমূহের মধ্য হ'তে একটি (ভীষণ) কষ্ট দূর করে দিবেন। যে ব্যক্তি কোন অভাবগ্রস্ত লোকের অভাব (সাহায্যের দ্বারা) সহজ করে দিবেন আল্লাহ তা'আলা দুনিয়া ও আখেরাতে তার অভাব সহজ (দূর) করে দিবেন'।^{৩০}

মাওলানা আকরম খাঁ এ প্রসঙ্গে বলেন, 'তোমার দেশে তোমারই প্রতিবেশী কত দীন, দুঃখী, কাঙ্গাল যে অভাবের ভীষণ নিষ্পেষণে জর্জরিত হয়ে নিজের অস্থিচর্মসার পুত্র-কন্যাগণকে নিয়ে হাহুতাশ করছে; ক্ষুধায়-তৃষ্ণায় অস্থির অনাথ বিধবা শত গ্রন্থিযুক্ত বস্ত্রে লজ্জা নিবারণ করতে অসমর্থ হয়ে নিজের ভগ্নপূর্ণ কুটিরে অন্ধকারের কোনে বসে চোখের জলে বুক ভাসাচ্ছে, এমনকি গলায় দড়ি দিয়ে দরিদ্র ও অপমানের জ্বালা মিটাবার চেষ্টা করছে; তুমি সে দিকে লক্ষ্য না করে, তৎপ্রতিকারে যত্নবান না হয়ে, নিজের সুখ-স্বাচ্ছন্দ্য ও ভোগ-বিলাসে মত্ত হয়ে থাকছ। আর লোক দেখানো ছালাত পড়ে ও তাসবীহ টিপে মনে করছ যে, স্বর্গের কায়েমী মৌরুছী পাট্টা রেজিস্ট্রি করে নিলাম। কুরআন বলছে যে, যারা দেশের অনাথ ও কাঙ্গালদিগের দুঃখ-দৈন্য দূর করার চেষ্টা না করে, অন্য লোকদিগকে এর জন্য উদ্বুদ্ধ ও উৎসাহিত করে না সে কপট, সে পরকালে ও কর্মফলে অবিশ্বাসী বে-দ্বীন। ছালাত পড়লে কি হবে, ছালাতের প্রকৃত তাৎপর্য তারা অবগত নয়। রহমানুর রহীমের প্রেমময় স্বরূপের এক বিন্দু অনুভূতিও তাদের প্রাণে জেগে উঠেনি। তাদের ছালাত ও অন্যান্য সৎকর্ম লোক দেখানো প্রবঞ্চনা এবং মনের কপটতা ঢাকবার একটি আবরণ মাত্র'।^{৩১} অভাবী ব্যক্তিদেরকে সাহায্য করার ব্যাপারে নবী করীম ^{হুদায়া-হু} স্বেীয় উম্মতকে বিভিন্নভাবে উৎসাহ প্রদান করেছেন।

২৯. আঃ নূর কুরআন মাজীদ, পৃঃ ৬৩।

৩০. ছহীহ বুখারী হা/২৪৪২; ছহীহ মুসলিম হা/৬৭৪৩; মিশকাত হা/৪৯৫৮।

৩১. মাওলানা আকরাম খাঁ, কারাগারে রচিত আমপারার তাফসীর পৃঃ ৩২-৩৩; আবঃ নূর কুরআন মাজীদ পৃঃ ৬৫-৬৬ (সাধু হ'তে চলিত ভাষায় রূপান্তরিত)।

عَنْ بِنِ عُمَرَ أَنَّ رَسُولَ اللَّهِ ﷺ قَالَ الْمُسْلِمُ أَخُو الْمُسْلِمِ لَا يَظْلِمُهُ وَلَا يُسْلَمُهُ،
وَمَنْ كَانَ فِي حَاجَةِ أَخِيهِ كَانَ اللَّهُ فِي حَاجَتِهِ، وَمَنْ فَرَّجَ عَنْ مُسْلِمٍ كُرْبَةً فَرَّجَ
اللَّهُ عَنْهُ كُرْبَةً مِنْ كُرْبَاتٍ يَوْمَ الْقِيَامَةِ، وَمَنْ سَتَرَ مُسْلِمًا سَتَرَهُ اللَّهُ يَوْمَ الْقِيَامَةِ.

হযরত আব্দুল্লাহ ইবনে ওমর ^{রাযিরাহু-হু আনহু} বলেন, নবী করীম ^{হাদীরা-হু আলাইহে ওয়াসাল্লাম} বলেছেন, ‘এক মুসলমান অপর মুসলমানের ভাই, সে তার উপর যুলুম করবে না এবং তাকে ধ্বংসের দিকে ঠেলে দিবে না। যে ব্যক্তি তার ভাইয়ের অভাবে সাহায্য করবে, আল্লাহ তা‘আলা তার অভাবে সাহায্য করবেন। যে ব্যক্তি কোন মুসলমানের দুঃখ-কষ্ট দূর করবে, আল্লাহ তা‘আলা ক্বিয়ামতের দিন তার বিপদ সমূহের কোন একটি বড় বিপদ দূর করে দিবেন। আর যে ব্যক্তি কোন মুসলমানের দোষ-ত্রুটি ঢেকে রাখবে আল্লাহ তা‘আলা ক্বিয়ামতের দিন তার দোষ-ত্রুটি ঢেকে রাখবেন।^{৩২} অন্যের দুঃখ-কষ্ট দূর করলে স্বয়ং প্রভু তার বিপদে দুঃখ-কষ্ট দূর করে দিবেন। একজন মানুষের জন্য এর চেয়ে বড় পাওয়া আর কী হ’তে পারে?

عن ابن عباس قال سمعت رسول الله ﷺ يقول ليس المؤمن بالذي يشبع وجاره جائع إلى جنبه.

হযরত আব্দুল্লাহ ইবনে আব্বাস ^{রাযিরাহু-হু আনহু} বলেন, আমি নবী করীম ^{হাদীরা-হু আলাইহে ওয়াসাল্লাম} -কে বলতে শুনেছি, ‘ঐ ব্যক্তি (প্রকৃত) ঈমানদার নয়, যে উদর পূর্তি করে খায় আর তার প্রতিবেশী অভুক্ত থাকে’।^{৩৩} দরিদ্রকে খানা খাওয়ালে হৃদয় কোমল হয়। মনের মধ্য হতে অহংকার দূর হয়ে যায়। মুসলিম ব্যক্তির দাওয়াতে দরিদ্র ব্যক্তিকেও शामिल করতে হবে।

নবী করীম ^{হাদীরা-হু আলাইহে ওয়াসাল্লাম} বলেন, সর্বাপেক্ষা মন্দ খানা হচ্ছে ওয়ালীমার সেই খানা, যেখানে ধনীদেব দাওয়াত করা হয় আর গরীবদের পরিত্যাগ করা হয়।^{৩৪} নবী করীম ^{হাদীরা-হু আলাইহে ওয়াসাল্লাম} মানব জাতিকে কয়েকটি উপদেশ দিয়ে বলেন, এসো তোমরা সকলে নিরাপদে জান্নাতে প্রবেশ করবে (অর্থাৎ উপদেশগুলি মান্য করলে নিরাপদে জান্নাতে প্রবেশ করবে)। যে বিষয়ে উপদেশ দিয়েছিলেন তন্মধ্যে একটি হ’ল খাদ্য দান করা।^{৩৫}

৩২. ছহীহ বুখারী হা/২৪৪২; ছহীহ মুসলিম হা/৬৭৪৩; মিশকাত হা/৪৯৫৮।

৩৩. বায়হাকী, সনদ হাসান, মূল মিশকাত পৃঃ ৪২৪; আলবানী-মিশকাত হা/৪৯৯১।

৩৪. বুখারী, মুসলিম, মূল মিশকাত পৃঃ ৪৭৮।

৩৫. তিরমিযী (তিনি হাদীছটিকে ছহীহ বলেছেন)। গৃহীত : হাকিম ইবনে হাজার আসক্বালানী (রহঃ), বুলুগুল মারাম মিন আদিল্লাতিল আহকাম (দেওবন্দ : ইসলামী কুতুবখানা তা. বি.), পৃঃ ১১৪।

عَنْ عَبْدِ اللَّهِ بْنِ عَمْرٍو رَضِيَ اللَّهُ عَنْهُمَا أَنَّ رَجُلًا سَأَلَ النَّبِيَّ ﷺ أَيُّ الْإِسْلَامِ خَيْرٌ قَالَ تُطْعِمُ الطَّعَامَ، وَتَقْرَأُ السَّلَامَ عَلَى مَنْ عَرَفْتَ وَمَنْ لَمْ تَعْرِفْ.

আব্দুল্লাহ ইবনু আমর ^{রাসূলুল্লাহ-এর আনহু} বলেন, এক ব্যক্তি রাসূলুল্লাহ ^{হাদীস-এ আলহিহু ওয়াসাল্লাম} কে জিজ্ঞেস করলেন, ইসলামে কোন্ কাজটি সর্বোত্তম? রাসূলুল্লাহ ^{হাদীস-এ আলহিহু ওয়াসাল্লাম} বললেন, অভুজকে খানা খাওয়ানো এবং পরিচিত অপরিচিত সকলকে সালাম প্রদান করা’।^{৩৬} অত্র হাদীছে ক্ষুধায় কাতর ব্যক্তিকে খাবার খাওয়ানো ইসলামের দৃষ্টিতে সর্বোত্তম ভাল কাজ বলে বিঘোষিত হয়েছে।

عَنْ أَبِي ذَرٍّ قَالَ قَالَ رَسُولُ اللَّهِ ﷺ يَا أَبَا ذَرٍّ إِذَا طَبَخْتَ مَرْقَةً فَأَكْثِرْ مَاءَهَا وَعَاهِدْ حَبِيرَانِكَ.

আবু যার ^{রাসূলুল্লাহ-এর আনহু} বলেন, নবী করীম ^{হাদীস-এ আলহিহু ওয়াসাল্লাম} বলেছেন, হে আবু যার! যখন কোন ঝোল তরকারী রান্না করবে, তখন তাতে পানির পরিমাণ বেশী করে দিয়ে প্রতিবেশীর খবরদারি করবে (অর্থাৎ প্রতিবেশীকে দিয়ে খাওয়ার ব্যাপারে সদা-সর্বদা সচেতন থাকবে)।^{৩৭} সকল মুসলিমকে স্বীয় প্রতিবেশীর দিকে সহযোগিতার হাত সম্প্রসারিত করতে হবে। অত্র হাদীছই এর বড় প্রমাণ। প্রতিবেশীকে খাবার বা তরকারী দেয়ার সামর্থ্য না থাকলে ঝোল বেশী করে তা হ’তে হাদীয়া দিয়ে হলেও প্রতিবেশীর হক্ক আদায় করতে হবে।

মহান আল্লাহ সৎকর্মশীল বান্দার পরিচয় দিতে গিয়ে বলেন,

وَيُطْعِمُونَ الطَّعَامَ عَلَى حُبِّهِ مِسْكِينًا وَيَتِيمًا وَأَسِيرًا. إِنَّمَا نُطْعِمُكُمْ لِوَجْهِ اللَّهِ لَا نُرِيدُ مِنْكُمْ جَزَاءً وَلَا شُكْرًا.

‘আর যারা আল্লাহর ভালবাসায় মিসকীন, ইয়াতীম ও কয়েদীকে খাবার খাওয়ায়। (তারা বলে) নিশ্চয়ই আমরা তোমাদেরকে আল্লাহর সন্তুষ্টির আশায় খাদ্য দান করি, আমরা তোমাদের থেকে বিনিময় ও শুকরিয়া চাই না’ (দাহার ৭৬/৮-৯)। অভাবীদেরকে খাদ্য দিতে হতে স্রেফ আল্লাহর সন্তুষ্টির জন্য। তাদের কাছে কোন বিনিময় বা তাদের সমর্থন আদায় বা অন্য কোন নিয়ত থাকবে না। মহান আল্লাহ অন্যত্র বলেন,

وَأَتَى الْمَالَ عَلَى حُبِّهِ ذَوِي الْقُرْبَى وَالْيَتَامَى وَالْمَسَاكِينَ وَابْنَ السَّبِيلِ وَالسَّائِلِينَ وَفِي الرِّقَابِ.

৩৬. ছহীহ বুখারী হা/১২; ছহীহ মুসলিম হা/১৬৯; মিশকাত হা/৪৬২৯।

৩৭. ছহীহ মুসলিম হা/৬৮৫৫; মিশকাত হা/১৯৩৭।

‘তরাই ভালবাসা অজর্নের জন্য আত্মীয় স্বজন, ইয়াতীমগণ, দরিদ্রগণ, পথিকগণ, ভিক্ষুকদেরকে এবং দাসত্ব মোচনের জন্য ধন-সম্পদ ব্যয় করে’ (বাক্বারাহ ২/১৭৭)।

ক্ষুধার্ত ব্যক্তিকে অনুদানের গুরুত্ব ইসলামে অপরিসীম। এ বিষয়ে পরিত্র কুরআন ও ছহীহ হাদীছে অনেক গুরুত্বারোপ করা হয়েছে। যা থেকে উদাহরণ স্বরূপ দু’চারটি পেশ করা হয়েছে। নবী করীম হাদীয়া-হ
‘আলাইহে
ওয়াসাল্লাম মিসকীন ও অনুহীন ব্যক্তিকে অনুদানের বিভিন্ন পদ্ধতিও বাতলে দিয়েছেন। দারিদ্র বিমোচনের কর্মসূচী ইসলাম যে পরিপূর্ণভাবে গ্রহণ করেছে, পবিত্র কুরআন ও ছহীহ হাদীছের উপরোক্ত বাণীগুলি তারই স্পষ্ট প্রমাণ। এ ছাড়া তো যাকাত, ফিতরা ও ছাদাক্বা-এর মাধ্যমে দারিদ্র বিমোচন করতে হবে। এর খোলাখুলি বিধানও ইসলামে বর্ণনা করা হয়েছে। এসব সার্বিক বিষয়কে কেন্দ্র করেই ‘ইসলাম পূর্ণাঙ্গ জীবন ব্যবস্থা’। মিসকীনের প্রয়োজন পূরণ করা ইসলামের দৃষ্টিতে মহা পুণ্যের কাজ। এ মর্মে হাদীছে বর্ণিত হয়েছে-

قَالَ رَسُولُ اللَّهِ ﷺ السَّاعِي عَلَى الْأَرْمَلَةِ وَالْمِسْكِينِ كَالْمُجَاهِدِ فِي سَبِيلِ اللَّهِ
أَوْ كَالَّذِي يَصُومُ النَّهَارَ وَيَقُومُ اللَّيْلَ.

রাসূলুল্লাহ হাদীয়া-হ
‘আলাইহে
ওয়াসাল্লাম বলেছেন, ‘যে ব্যক্তি বিধবা ও মিসকীনদের ভরণ-পোষণের ব্যাপারে চেষ্টা করে, সে আল্লাহর রাস্তায় জিহাদকারীর মত। অথবা সে ঐ ব্যক্তির মত, যে দিনে ছিয়াম পালন করে ও রাতে (ইবাদতে) দণ্ডায়মান থাকে’।^{৩৮} অন্য বর্ণনায় আছে, ‘সে রাতভর দাঁড়ানো ব্যক্তির মত যে (ইবাদতে) ক্লান্ত হয় না এবং এমন ছিয়াম পালনকারীর মত, যে ছিয়াম ভঙ্গ করে না’।^{৩৯} মিসকীনকে খাবার খাওয়ানো বা তার অভাব মোচনের চেষ্টা করার মধ্যে অনেক ফযিলত আছে। এরূপ কাজ করলে সারা রাত জেগে জেগে ইবাদত অথবা অনবরত ছিয়াম পালনের ছওয়াব পাওয়া যায়। অভাবী মানুষের অভাব মোচনে অবদান রাখতে না পারলেও তাকে কোন প্রকার জ্বালাতন করা যাবে না। বরং তার সাথে সুন্দর ভাষায় কথা বলে বিদায় দিতে হবে।

৩৮. ছহীহ বুখারী হা/৬০০৬।

৩৯. ছহীহ বুখারী হা/৬০০৭।

عَنْ أَبِي هُرَيْرَةَ قَالَ قَالَ رَسُولُ اللَّهِ ﷺ مَنْ كَانَ يُؤْمِنُ بِاللَّهِ وَالْيَوْمِ الْآخِرِ فَلَا يُؤْذِ جَارَهُ وَمَنْ كَانَ يُؤْمِنُ بِاللَّهِ وَالْيَوْمِ الْآخِرِ فَلْيُكْرِمْ ضَيْفَهُ وَمَنْ كَانَ يُؤْمِنُ بِاللَّهِ وَالْيَوْمِ الْآخِرِ فَلْيَقُلْ خَيْرًا أَوْ لِيَصْمُتْ.

আবু হুরায়রা ^{রাযীয়াল্লাহু আনহু} হ'তে বর্ণিত। তিনি বলেন, রাসূলুল্লাহ ^{হাদীস-এ আল্লাহইছে ওয়াসাল্যাম} বলেছেন, 'যে আল্লাহ ও পরকালের প্রতি বিশ্বাস রাখে, সে যেন স্বীয় মেহমানকে সম্মান করে। যে আল্লাহ ও শেষ দিবসের প্রতি বিশ্বাস রাখে, সে যেন তার প্রতিবেশীকে কষ্ট না দেয়। যে লোক আল্লাহ ও শেষ দিবসের প্রতি বিশ্বাস রাখে, সে যেন ভাল কথা বলে, অথবা চুপ থাকে'।^{৪০} এখানে প্রমাণ হয় ভিক্ষুককে যদি কোন কিছু দেয়ার না থাকে তাহলে তাকে ধমক নয় প্রয়োজনে ভাল কথা দিয়ে বিদায় দিতে হবে। কেননা মহানবী ^{হাদীস-এ আল্লাহইছে ওয়াসাল্যাম} বলেছেন, 'তোমরা জাহান্নামের আগুন হ'তে বাঁচ এক টুকরা খেজুর দিয়ে হ'লেও। আর যদি তা না পাও, তবে সুমিষ্ট ভাষার বিনিময়ে'।^{৪১}

অনুহীনে অনুদান করে সমাজ হ'তে দরিদ্রতা বিদূরিত করার উপর রাসূলুল্লাহ ^{হাদীস-এ আল্লাহইছে ওয়াসাল্যাম} বার বার তাকীদ দিয়েছেন। সঙ্গত কারণেই কেউ যদি অনুহীনে অনুদান না করে, তবে বিচারের মাঠে তার জন্য উত্তর দেওয়া কঠিন হয়ে যাবে। তারা অবিশ্বাসীদের কাতারে শামিল হবে। তাই সকলেরই উচিত এ বিষয়ে সতর্ক দৃষ্টি রাখা। পাশাপাশি পরকালে অবিশ্বাসী হওয়ার জন্য এটিও একটি কারণ হয়ে দাঁড়াবে।

চতুর্থতঃ ছালাতে মনোযোগী হওয়া :

মহান আল্লাহ বলেন, فَوَيْلٌ لِّلْمُصَلِّينَ الَّذِينَ هُمْ عَنْ صَلَاتِهِمْ سَاهُونَ 'সুতরাং মহাদুঃখ বা দুর্দশা সে সকল ছালাত আদায়কারীর জন্যে, যারা তাদের ছালাতের ব্যাপারে অমনোযোগী বা উদাসীন' (মাউন ১০৭/৪-৫)। আলোচ্য আয়াতে ছালাতের প্রতি অনীহা, অমনোযোগিতা ও অলস্য প্রদর্শনকারীদেরকে অভিশাপ প্রদান ও সতর্ক করা হয়েছে। এক্ষণে প্রশ্ন হচ্ছে, ছালাতে অনীহা, অমনোযোগিতা ও অলসতা প্রদর্শনকারী কারা? এর উত্তর প্রদান করে আল্লাহ পাক বলেছেন, তাদের পরিচয় হচ্ছে 'মুছাল্লীন'। তারা সে সকল লোক যারা ছালাত পড়ে, অথচ ছালাত কায়েম করে না। যারা শুধু ছালাতের আনুষ্ঠানিকতা আদায় করে। রুকু, সিজদা সম্পাদন করে এবং

৪০. ছহীহ বুখারী হা/৬০১৮।

৪১. ছহীহ বুখারী হা/৬০২৩।

সূরা, দো'আ ও তাসবীহ পাঠ করে বটে; কিন্তু তাদের রূহ ছালাতের প্রাণশক্তি থেকে বঞ্চিত, তাদের আত্মা ছালাতের জীবনীশক্তি দ্বারা সঞ্জীবিত নয়। তাদের জীবন ধারা ছালাতের চরিত্র, শিক্ষা ও বৈশিষ্ট্য মণ্ডিত নয়। তাদের কিরাআত, দো'আ ও তাসবীহতে উচ্চারিত বাক্যসমূহের সাথে তাদের বাস্তব জীবনের কোন মিল পরিলক্ষিত হয় না। তারা বাহ্যত লোক দেখানো ছালাত আদায় করে। ছালাতের প্রতি গভীর দৃষ্টিভঙ্গি, নিষ্ঠা ও আন্তরিকতা নেই। এভাবে তারা তাদের ছালাত অমনোযোগীতা, অনীহা, অলসতা ও প্রদর্শনীমূলক মনোযোগ নিয়ে আদায় করে। ছালাতের শিক্ষা ও তাৎপর্যকে জীবনে বাস্তবায়িত করে ছালাত কায়েম করে না। মূলতঃ পুরো জীবনে ইখলাছ ও একত্রচিত্ততার মাধ্যমে আল্লাহর রেযামন্দী হাছিলের লক্ষ্যে আল্লাহর রব্বুবিয়াত ও সার্বভৌমত্ব প্রতিষ্ঠার মাধ্যমে ছালাত কায়েম করতে হবে।^{৪২}

তারা শুধু প্রাণহীন কতিপয় অনুষ্ঠানই পালন করে। আল্লাহর রেযামন্দীর উদ্দেশ্যে ছালাত আদায় করে না; বরং আত্মিক শক্তি ও জ্যোতিহীন কিছু আচার-অনুষ্ঠান ও দৈহিক নড়াচড়া, উঠাবসা ও শরীর চর্চায় লিপ্ত থাকে। তারা লোক দেখাবার মত কিছু নিয়ম-পদ্ধতির অনুসরণ করে মাত্র। তাদের ছালাত তাদের অন্তরে, কর্মে ও চরিত্রে কোন প্রভাব বিস্তার করে না। তাদের সকল আনুষ্ঠানিকতা, কালো ধোঁয়ার মত মহাশূন্যে মিশে যায়। বরং প্রাণশক্তিহীন আনুষ্ঠানিকতার কারণে তাদেরকে কঠোর শাস্তি ও অশুভ পরিণামের প্রতীক্ষায় থাকতে হয়।^{৪৩}

এখানে মুনাফিকদেরকেও কর্মফল অস্বীকারকারী বলা হচ্ছে। বাহ্যতঃ মুনাফিকরা মুসলমানদের অন্তর্ভুক্ত। কিন্তু তারা কর্মফল দিবসকে অস্বীকার করে। সেকারণ তারা নিজেদেরকে ধ্বংসের দিকে ঠেলে দেয়। এখানে মুনাফিকদের ছালাত আদায় করার চিত্র তুলে ধরা হয়েছে। তারা তাদের ছালাতকে অবজ্ঞা প্রদর্শন করে। এর অর্থ হচ্ছে, ছালাত আদায় করা হ'ল কি হ'ল না তাদের দৃষ্টিতে এতে কোন পার্থক্য নেই। তারা কখনও ছালাত আদায় করে, আবার কখনও করে না।^{৪৪}

আবার কখনও তারা ছালাতের নির্ধারিত সময়সীমা অতিক্রমের পর তাড়াহুড়া করে ছালাত আদায় করে দায় সারে মাত্র। তারা অপেক্ষা করতে করতে সূর্য অস্তিমিত হবার প্রকালে দাঁড়িয়ে তড়িঘড়ি করে মোরগের ন্যায় চার ঠোঁকর মেরে দায়িত্ব শেষ করে। এজন্য আল্লাহর নবী তাদের প্রতি ইঙ্গিত করে

৪২. ফী যিলালিল কুরআন, ৬/৩৯৮৫।

৪৩. তদেব ৬/৩৯৮৬।

৪৪. আঃ নূর কুরআন মাজীদ পৃঃ ৬৪।

বলেন, تلك صلاة المنافق تلك صلاة المنافق تلك صلاة المنافق 'ইহাই মুনাফিকের ছালাত, ইহাই মুনাফিকের ছালাত, ইহাই মুনাফিকের ছালাত। তারা ছালাতে আল্লাহকে কমই স্মরণ করে থাকে।^{৪৫}

আতা ইবনে দীনার ^{হাদীসটি-এ} ^{আনছে} বলেন, আল্লাহর শুকরিয়া যে, তিনি عن صلاتهم বলেছেন, বলেননি। অর্থাৎ আল্লাহপাক বলেছেন যে, তারা ছালাতের ব্যাপারে উদাসীন থাকে, ছালাতের মধ্যে গাফিল বা উদাসীন থাকে এরূপ কথা বলেননি। আবার এ শব্দে এ অর্থেও রয়েছে, যারা সব সময় শেষ সময়ে ছালাত আদায় করে অথবা আরকান-আহকামের ব্যাপারে উদাসীনতার পরিচয় দেয়। এসব কিছু যার মধ্যে রয়েছে সে নিঃসন্দেহে দুর্ভাগা। যার মধ্যে এসব অন্যায্য যত বেশী রয়েছে, সে তত বেশী সর্বনাশের মধ্যে পতিত হয়েছে। তার আমল তত বেশী ক্রটিপূর্ণ এবং ক্ষতিকারক।^{৪৬}

আসল ছালাতের প্রতি দ্রষ্টব্য না করা মুনাফিকদের অভ্যাস এবং عن صلاتهم শব্দের আসল অর্থ তাই। ছালাতের মধ্যে কিছু ভুল-ভ্রান্তি হয়ে যাওয়া, যা থেকে কোন মুসলমান, এমনকি রাসূলে করীম ^{হাদীসটি-এ} ^{আলাইহে} ^{সাল্লাল্লাহু} ও মুক্ত ছিলেন না, তা এখানে বুঝানো হয়নি। কেননা এ জন্যে জাহান্নামের শাস্তি হ'তে পারে না। এটা উদ্দেশ্য হ'লে عن صلاتهم এর পরিবর্তে في صلاتهم বলা হ'ত।^{৪৭}

রাসূলুল্লাহ ^{হাদীসটি-এ} ^{আলাইহে} ^{সাল্লাল্লাহু} কে এ আয়াতের তাৎপর্য জিজ্ঞেস করা হলে তিনি বলেন, 'এখানে ঐ সব লোকের কথা বলা হয়েছে, যারা ছালাত আদায়ের ব্যাপারে নির্ধারিত সময় থেকে বিলম্ব করে'। এর একটি অর্থ এও রয়েছে যে, আদৌ ছালাত আদায় করে না। অন্য একটি অর্থ এই যে, শরী'আত অনুমোদিত সময় অতিক্রান্ত হওয়ার পর ছালাত আদায় করে। আবার এটাও হ'তে পারে যে, সময়ের প্রথম দিকে ছালাত আদায় করে না।^{৪৮} মুনাফিকদের ছালাত সম্পর্কে আল্লাহ বলেন,

৪৫. ছহীহ মুসলিম হা/১৪৪৩; মিশকাত হা/৫৯৩; হাফেয ইমাদুদ্দীন ইবনু কাছীর (রহঃ), তাফসীরুল কুরআনিল আযীম (দামেশক : মাততাবা দারুল ফিহা, রিয়াদ : মাকতাবা দারুস সালাম, প্রকাশকাল : ১৪১৪ হিঃ, ১৯৯৪ ইং), ৪/৭১৯ পৃঃ ; আঃ নূর কুরআন মাজীদ পৃঃ ৬৪।

৪৬. তাফসীরে ইবনে কাছীর, ৪/৭১৯ পৃঃ।

৪৭. তাফসীরে মা'আরেফুল কুরআন, ৮/১০১৯ পৃঃ।

৪৮. তাফসীরে ইবনে কাছীর, ৪/৭১৯ পৃঃ।

وَإِذَا قَامُوا إِلَى الصَّلَاةِ قَامُوا كُسَالَى يُرْأَوْنَ النَّاسَ وَلَا يَذْكُرُونَ اللَّهَ إِلَّا قَلِيلًا.

‘তারা (মুনাফিকরা) যখন ছালাতে দাঁড়ায় তখন অলসতা ও উদাসীনতার সাথে দাঁড়ায়। তারা শুধু লোক দেখানোর জন্যই ছালাত আদায় করে থাকে এবং তারা আল্লাহকে খুব কমই স্মরণ করে থাকে’ (নিসা ৪/১৪২)। আল্লাহ তাআলা অন্যত্র বলেন, وَلَا يَأْتُونَ الصَّلَاةَ إِلَّا وَهُمْ كُسَالَى (মুনাফিকরা) অলস ও গাফিল অবস্থা ছাড়া ছালাত আদায় করতে আসে না’ (তওবা ৯/৫৪)। মুনাফিকের বিভিন্ন পরিচয়ের মধ্যে এটিও একটি আলামত যে, তারা ছালাতের ব্যাপারে গাফেল বা উদাসীন থাকবে। তারা কপট মুসলিম হওয়ার দরুণ শ্রেফ লোক লজ্জায় ছালাত আদায় করবে। আয়াতগুলির উপর লক্ষ্য রেখে বলতে হয় জাহান্নামের আগুন থেকে বাঁচতে হ’লে ছালাতে মনোযোগী হ’তে হবে। ছালাতের হেফাযত করতে হবে। ছালাতের জন্য যখন মানুষকে ডাকা হয় তখন একশ্রেণীর লোক এটাকে হয়ে প্রতিপন্ন করে। অলসতা মানুষের জন্য একটি নিন্দনীয় স্বভাব। অলসতা এতই নোংরা স্বভাব যে, স্বয়ং নবী করীম <sup>ছাদ্দায়া-হু
‘আলাইহে
ওয়াসাল্যাম</sup> অলসতা হ’তে আল্লাহর নিকট ক্ষমা চাইতেন। অলসতা মানুষকে সর্বপ্রকারের কাজ হ’তে দূরে ঠেলে দেয়। আর অলস ব্যক্তির কর্মক্ষমতা হারিয়ে ফেলে। আনাস ইবনে মালিক বলেন, নবী করীম <sup>ছাদ্দায়া-হু
‘আলাইহে
ওয়াসাল্যাম</sup> প্রায়ই এরূপ দো‘আ করতেন,

اللَّهُمَّ إِنِّي أَعُوذُ بِكَ مِنَ الْهَمِّ وَالْحَزَنِ وَالْعَجْزِ وَالْكَسَلِ وَالْبُخْلِ وَالْجُبْنِ وَضَلَعِ الدِّينِ وَغَلَبَةِ الرِّجَالِ.

হে আল্লাহ! আমি আপনার নিকটে আশ্রয় প্রার্থনা করছি দুশ্চিন্তা ও দুঃখ-বেদনা হ’তে, অক্ষমতা ও অলসতা হ’তে, ভীরতা ও কৃপণতা হ’তে এবং ঋণের বোঝা ও মানুষের যবরদস্তি হ’তে।^{৪৯}

وَإِذَا نَادَيْتُمْ إِلَى الصَّلَاةِ اتَّخَذُوهَا هُزُوءًا وَلَعِبًا ذَلِكَ بِأَنَّهُمْ قَوْمٌ لَا يَعْقِلُونَ.

‘আর যখন তোমরা ছালাতের জন্য আহ্বান কর, তখন তারা এটাকে উপহাস ও খেলা মনে করে। কারণ তারা নির্বোধ’ (মায়দা ৫/৫৮)। মহান আল্লাহ বলেন,

إِنَّ الصَّلَاةَ كَانَتْ عَلَى الْمُؤْمِنِينَ كِتَابًا مَوْقُوتًا

৪৯. মুতাফাক্ব ‘আলাইহ, ছহীহ বুখারী হা/২৮৯৩।

‘নিশ্চয়ই ছালাত মুমিনদের উপর ফরয নির্দিষ্ট সময়ের মধ্যে’ (নিসা ৪/১০৩)। আল্লাহ ছালাতকে বান্দার জন্য নির্দিষ্ট সময়ে আদায় করা ফরয করেছেন। মানুষ স্বীয় খেয়াল-খুশী মত তা আদায় করতে পারে না। প্রতি ওয়াক্তের ছালাত তার নির্ধারিত সময়েই আদায় করতে হবে। নতুবা মুনাফিকের আদায়কৃত ছালাতের সাথে সাদৃশ্যপূর্ণ হয়ে যাবে।

عَنْ عَلِيٍّ بْنِ أَبِي طَالِبٍ أَنَّ النَّبِيَّ ﷺ قَالَ لَهُ يَا عَلِيُّ ثَلَاثٌ لَا تُؤَخَّرُهَا الصَّلَاةُ إِذَا آتَتْ وَالْجَنَازَةُ إِذَا حَضَرَتْ وَالْأَيْمُ إِذَا وَحَدَتْ لَهَا كُفْرًا.

আলী ^{রাযিরাহু-এ} ^{আনহু} হতে বর্ণিত, তিনি বলেন, নবী করীম ^{ছালাত-এ} ^{আদায়} একদা আমাকে উপদেশ দিয়ে বলেন, ‘হে আলী! তিনটি বিষয়ে বিলম্ব কর না। প্রথমটি হ’ল ছালাত, যখন তার ওয়াক্ত হয়ে যায়, দ্বিতীয় : জানাযা, যখন তা উপস্থিত হয়, তৃতীয় : বিধবাকে বিয়ে দেওয়া, যখন তার উপযুক্ত পাত্র পাবে’।^{৫০}

أَمْ فَرَوَةَ قَالَتْ سَلِ النَّبِيَّ ﷺ أَيُّ الْأَعْمَالِ أَفْضَلُ قَالَ الصَّلَاةُ لِأَوَّلِ وَقْتِهَا.

উম্মে ফারওয়া ^{রাযিরাহু-এ} ^{আনহু} বলেন, রাসূলুল্লাহ ^{ছালাত-এ} ^{আদায়} কে জিজ্ঞেস করা হ’ল কোন্ কাজ সর্বাধিক উত্তম? উত্তরে তিনি বললেন, আউয়াল ওয়াক্তে ছালাত আদায় করা’।^{৫১} প্রথম ওয়াক্তে ছালাত আদায় করা আমল সমূহের মধ্যে সর্বাধিক উত্তম আমল হিসাবে পরিগণিত হবে।

عَنْ أَبِي هُرَيْرَةَ قَالَ قَالَ رَسُولُ اللَّهِ ﷺ لَوْ يَعْلَمُ النَّاسُ مَا فِي النَّدَاءِ وَالصَّفِّ الْأَوَّلِ، ثُمَّ لَمْ يَجِدُوا إِلَّا أَنْ يَسْتَهْمُوا عَلَيْهِ لَاسْتَهْمُوا، وَلَوْ يَعْلَمُونَ مَا فِي التَّهَجُّجِ لَاسْتَبَقُوا إِلَيْهِ، وَلَوْ يَعْلَمُونَ مَا فِي الْعَتَمَةِ وَالصُّبْحِ لَأَتَوْهُمَا وَلَوْ حَبَوًّا.

আবু হুরায়রা ^{রাযিরাহু-এ} ^{আনহু} হ’তে বর্ণিত, তিনি বলেন, রাসূলুল্লাহ ^{ছালাত-এ} ^{আদায়} বলেন, ‘যদি মানুষ জানত যে, আযান দেয়া এবং ছালাতে প্রথম সারিতে দাঁড়ানোর মধ্যে কী ছওয়াব রয়েছে, অতঃপর লটারি দেয়া ব্যতীত কোন উপায় না পেত তাহলে তার জন্য লটারিই করত, আর যদি তারা জানত ছালাতের জন্য সকাল সকাল যাওয়ার মধ্যে কী ছওয়াব রয়েছে, তাহ’লে তারা সেদিকে

৫০. তিরমিযী, সনদ হাসান, হা/১৭১; মূল মিশকাত পৃঃ ৬১; মিশকাত হা/৬০৫।

৫১. আহমাদ, তিরমিযী, আবুদাউদ, সনদ ছহীহ, মূল মিশকাত পৃঃ ৬১; মিশকাত হা/৬০৭।

সকলের আগে পৌছার জন্য আত্মপ্রাণ চেপ্টা চালাত এবং যদি জানত এশা ও ফজরের মধ্যে কী রয়েছে, তাহলে তারা তার জন্য হামাগুড়ি দিয়ে হলেও ছালাতে উপস্থিত হত’।^{৫২}

عَنْ أَبِي ذَرٍّ قَالَ قَالَ لِي رَسُولُ اللَّهِ كَيْفَ أَنْتَ إِذَا كَانَتْ عَلَيْكَ أُمْرًا يُؤْخَرُونَ الصَّلَاةَ عَنْ وَقْتِهَا أَوْ يُمَيِّتُونَ الصَّلَاةَ عَنْ وَقْتِهَا قَالَ قُلْتُ فَمَا تَأْمُرُنِي قَالَ صَلِّ الصَّلَاةَ لَوْ قَتَلَتْهَا فَإِنْ أَذْرَكَتْهَا مَعَهُمْ فَصَلِّ فَإِنَّهَا لَكَ نَافِلَةٌ.

আবু যার ^{রুমিয়ারা-ক} ^{আনহু} বলেন, রাসূলুল্লাহ ^{হাদীসা-ক} ^{আলাইহে} ^{ওয়াসালম} আমাকে বলেন, হে আবু যার! কী অবস্থা হবে, যারা ছালাতের প্রতি অমনোযোগী হবে অথবা এর সময় হতে তাকে পিছিয়ে দিবে? আমি বললাম, এ অবস্থায় আপনি আমাকে কী পরামর্শ দিচ্ছেন? রাসূলুল্লাহ ^{হাদীসা-ক} ^{আলাইহে} ^{ওয়াসালম} বললেন, তুমি সঠিক সময়ে ছালাত আদায় করবে। অতঃপর যদি তাদের সাথে পাও তবে পুনরায় আদায় করবে। এটা তোমার নফল ছালাত হিসাবে গণ্য হবে।^{৫৩}

বুঝা গেল যে, ছালাত ‘আউয়াল ওয়াজ্ব’ তথা প্রথম সময়েই আদায় করতে হবে। ছালাতের সময় হয়ে গেলে কোন প্রকার বিলম্ব করা চলবে না। নির্ধারিত সময়ে ছালাত আদায় করার জন্য যত জোরাল ভাষায় তাকীদ করা হয়েছে ইসলামের অন্য কোন আমলের ক্ষেত্রে তা করা হয়নি। এতেই সময় মত ছালাত আদায়ের গুরুত্ব পরিস্কারভাবে ফুটে উঠে। সফলকাম ব্যক্তিদের ছালাত সম্পর্কে মহান আল্লাহ বলেন,

الَّذِينَ هُمْ عَلَى صَلَاتِهِمْ دَائِمُونَ

‘যারা তাদের ছালাতে সার্বক্ষণিক কায়ম থাকে’ (মা‘আরিজ ৭০/২৩)। মুমিন ব্যক্তিদের বড়গুণ তারা নিয়মিত ছালাত আদায় করবে। নিয়মিত আমলই অধিকতর কল্যাণকর। কেননা ‘যেকোন নেক আমল তা যত কমই হোক, নিয়মিত করাই আল্লাহর নিকট অধিক পসন্দনীয়’।^{৫৪} মুমিনদের অপর গুণ হ’ল ছালাতের হেফাযত করা তথা হক্ অনুযায়ী ছালাত আদায় করা। আল্লাহ বলেন,

وَالَّذِينَ هُمْ عَلَى صَلَوَاتِهِمْ يُحَافِظُونَ

৫২. ছহীহ বুখারী হা/৬১৫; ছহীহ মুসলিম হা/১০০৯; মিশকাত হা/৬২৮; মূল মিশকাত পৃঃ ৬২।

৫৩. ছহীহ মুসলিম হা/১৪৯৭; মূল মিশকাত পৃঃ ৬১; মিশকাত হা/৬০০।

৫৪. মুত্তাফাক্ব ‘আলাইহ, মিশকাত হা/১২৪২।

‘যারা তাদের ছালাত সমূহের হেফাযত করে তথা খবর রাখে’ (মুমিনুন ২৩/৯)। তাদের অপর গুণ হ’ল ধিরিস্থিরাভাবে বিনয়ী হয়ে ছালাত আদায় করে। ছালাত আদায়ের ক্ষেত্রে তাড়াহুড়া করে না। এ মর্মে মহান আল্লাহ বলেন,

الَّذِينَ هُمْ فِي صَلَاتِهِمْ خَاشِعُونَ

‘যারা নিজেদের ছালাতে বিনয় ও নম্র’ (মুমিনুন ২৩/২)। রাসূলুল্লাহ ^{হাদীসা-হু} ^{আলাইহে} ^{ওয়াসালম} বলেছেন, ‘মুখতাছার’^{৫৫} রূপে ছালাত আদায় করতে নিষেধ করেছেন। আয়েশা ^{হাদীসা-হু} ^{আলাইহে} ^{ওয়াসালম} বলেন, এটা ইহুদীদের কাজ, যা তারা তাদের উপাসনায় করে থাকে।^{৫৬}

عَنْ حَابِرٍ قَالَ قَالَ رَسُولُ اللَّهِ ﷺ بَيْنَ الْعَبْدِ وَبَيْنَ الْكُفْرِ تَرْكُ الصَّلَاةِ.

জাবের ^{হাদীসা-হু} ^{আলাইহে} ^{ওয়াসালম} হ’তে বর্ণিত, তিনি বলেন, রাসূলুল্লাহ ^{হাদীসা-হু} ^{আলাইহে} ^{ওয়াসালম} বলেছেন, ‘বান্দার ও কুফরীর মধ্যে পার্থক্য হ’ল ছালাত’।^{৫৭} মুমিন ও কুফরীর মধ্যে সেতু বন্ধন হল ছালাত। যে ব্যক্তি তা আদায় করবে সে মুমিন হিসাবে পরিচিত হবে। পক্ষান্তরে যে তা পরিত্যাগ করবে, কাফেরদের মধ্যে গণ্য হবে।

عَبْدُ اللَّهِ بْنُ بُرَيْدَةَ عَنْ أَبِيهِ قَالَ قَالَ رَسُولُ اللَّهِ ﷺ الْعَهْدُ الَّذِي بَيْنَنَا وَبَيْنَهُمُ الصَّلَاةُ فَمَنْ تَرَكَهَا فَقَدْ كَفَرَ.

আব্দুল্লাহ ইবনু বুরায়দাহ তার পিত হ’তে বর্ণনা করেন, রাসূলুল্লাহ ^{হাদীসা-হু} ^{আলাইহে} ^{ওয়াসালম} বলেন, আমাদের ও তাদের (মুনাফিকদের) মধ্যে যে অঙ্গীকার রয়েছে, তাহ’ল ছালাত। সুতরাং যে ছালাত ত্যাগ করবে (প্রকাশ্যে) সে কাফের হয়ে যাবে।^{৫৮}

আবু হুরায়রা ^{হাদীসা-হু} ^{আলাইহে} ^{ওয়াসালম} বলেন, এক ব্যক্তি মসজিদে প্রবেশ করল এবং ছালাত আদায় করল, রাসূলুল্লাহ ^{হাদীসা-হু} ^{আলাইহে} ^{ওয়াসালম} তখন মসজিদের এক কোণে বসেছিলেন। অতঃপর সে রাসূলুল্লাহ ^{হাদীসা-হু} ^{আলাইহে} ^{ওয়াসালম} এর নিকটে আসল এবং সালাম করল। রাসূলুল্লাহ ^{হাদীসা-হু} ^{আলাইহে} ^{ওয়াসালম} তার সালামের জবাব দিয়ে বললেন, ফিরে যাও, ছালাত আদায় কর, কেননা তুমি ছালাত আদায় করনি। সে পুনরায় ছালাত আদায় করল এবং ছালাত শেষে রাসূলুল্লাহ ^{হাদীসা-হু} ^{আলাইহে} ^{ওয়াসালম} -এর নিকটে এসে তাঁকে সালাম দিল। তিনি

৫৫. ‘মুখতাছার’ এর আভিধানিক অর্থ রয়েছে। যেমন কমরে হাত রাখা, ছালাতের ত্রিয়াকলাপগুলিকে লঘু করা, যা একাগ্রতা ও নিষ্ঠার প্রতিকূল। দঃ মুহাম্মদ মুমতায়ুদ্দীন, বঙ্গনবাদ, বুলুগুল মারাম (মুর্শিদাবাদ : প্রকাশকাল মে ১৯৯৮ ইং), ১ম খণ্ড, পৃঃ ৮৪।

৫৬. মুসলিম, মিশকাত হা/৫৬৯।

৫৭. মুসলিম, বুলুগুল মারাম, পৃঃ ৫৮।

৫৮. আহমাদ, তিরমিযী, নাসাঈ, ইবনু মাজাহ, সনদ ছহীহ, মিশকাত হা/৫৭৪।

তাকে বললেন, ফিরে যাও, ছালাত আদায় কর, কেননা তুমি ছালাত আদায় করনি। অতঃপর তৃতীয় বার অথবা তার পরেরবার সে বলল, হে আল্লাহর রাসূল <sup>হাদীছ-হ
আলাইহে
ওয়াসাল্লাম</sup> ! আমাকে শিখিয়ে দিন। তখন রাসূলুল্লাহ <sup>হাদীছ-হ
আলাইহে
ওয়াসাল্লাম</sup> বললেন, যখন তুমি ছালাতে দাঁড়বার ইচ্ছা করবে পূর্ণরূপে ওয়ূ করবে। অতঃপর কিবলার দিকে মুখ করে দাঁড়াবে এবং তাকবীর (তাহরীমা) বলবে। তৎপর কুরআনের যা তোমার পক্ষে সহজ হয় তা পড়বে। তারপর রুকু করবে এবং সোজা হয়ে দাঁড়াবে। অতঃপর সিজদা করবে এবং সিজদায় স্থির হয়ে থাকবে। তারপর মাথা উত্তোলন করবে এবং সোজা হয়ে দাঁড়াবে। অতঃপর সিজদা করবে এবং সিজদায় স্থির থাকবে, তারপর মাথা উঠাবে ও স্থির হয়ে বসবে। তৎপর দ্বিতীয় সিজদা করবে এবং সিজদাতে স্থির থাকবে, তারপর সিজদা হ'তে মাথা তুলে স্থির হয়ে বসবে। এভাবে তোমার সমস্ত ছালাতে এরূপ করবে।^{৫৯} অন্য হাদীছে আছে, রাসূলুল্লাহ <sup>হাদীছ-হ
আলাইহে
ওয়াসাল্লাম</sup> যখন বেজোড় রাক'আতে থাকতেন (সিজদা হ'তে) উঠে সোজা দাঁড়াতেন না, যে পর্যন্ত না সোজা হয়ে বসতেন।^{৬০}

হাদীছদ্বয় থেকে প্রতীয়মান হয় যে, যারা ছালাতে খুশু-খুযু করে না, খুব দ্রুতগতিতে উঠা-বসা করে অর্থাৎ রুকু থেকে উঠে স্থিরভাবে না দাঁড়িয়ে সিজদায় চলে যায়, সিজদা থেকে উঠে স্থিরভাবে না বসে পুনরায় দ্বিতীয় সিজদায় চলে যায় এবং দ্বিতীয় সিজদা হ'তে উঠে স্থিরভাবে না বসে সরাসরি দাঁড়িয়ে যায়, তাদের ছালাতও ক্ষতি থেকে নিরাপদ নয়। উপরোক্ত হাদীছে বুঝা ঐ ব্যক্তি দু'দু রাক'আত করে ছালাত আদায় করলে তিনবারে ছয় রাক'আত ছালাত আদায় করেছে। আর চার চার রাক'আত করে ছালাত আদায় করলে তিনবারে বার রাক'আত ছালাত আদায় করেছে। অথচ নবী করীম <sup>হাদীছ-হ
আলাইহে
ওয়াসাল্লাম</sup> তার ছালাতকে নাকচ করে দিয়েছেন। তার আরকান-আহকাম পূর্ণরূপে আদায় না হওয়ার কারণে। ছালাত আদায় করার ক্ষেত্রে কারো নিজস্ব কোন পদ্ধতি গ্রহণযোগ্য নয়। বরং তা সরাসরি রাসূলুল্লাহ <sup>হাদীছ-হ
আলাইহে
ওয়াসাল্লাম</sup> -এর দেখানো পদ্ধতি অনুযায়ীই হ'তে হবে। ঠিক সে কথায় রাসূলুল্লাহ বলেছেন, صَلُّوا كَمَا رَأَيْتُمُونِي أُصَلِّي 'তোমরা ঠিক সেভাবে ছালাত আদায় কর, যেভাবে আমাকে ছালাত আদায় করতে দেখছ'।^{৬১}

৫৯. মুতাফাক্ব 'আলাইহ, ছহীহ বুখারী হা/৭৫৭; মিশকাত হা/৭৯০; মূল মিশকাত পৃঃ ৭৫।

৬০. বুখারী, মিশকাত হা/৭৯১; মূল মিশকাত পৃঃ ৭৫।

৬১. মুতাফাক্ব 'আলাইহ, ছহীহ বুখারী হা/৬৩১; মিশকাত হা/৬৮৩; মূল মিশকাত পৃঃ ৬৬।

আলোচনার প্রেক্ষিতে বলা যায়, ছালাত সম্পূর্ণ রাসূলুল্লাহ ^{হাদীস-এ আল্লাহকে ত্যাসাদ্দ} -এর তরীক্বা অনুযায়ী হ'তে হবে। সেখানে অণু পরিমাণ কম-বেশী করার এখতিয়ার কারো নেই। অন্যথা সেই ছালাতই তার জন্য ধ্বংস বয়ে আনবে। আর রাসূল ^{হাদীস-এ আল্লাহকে ত্যাসাদ্দ} এর তরীক্বানুযায়ী ছালাত সম্পন্ন হ'লে সে ছালাত অবশ্যই বান্দার মুক্তির কারণ হবে। উর্দু জাগরণের কবি আল্লামা ইক্বাল যথার্থই বলেছেন,

‘এহ এক সিজদা তু সিজে গিঁরা সামাবতা হ্যায়

হাযারো সিজদা সে দেতা হ্যায় আদমী কো নাজাত।’

বিশ্লেষণার্থেঃ মুওয়াহহিদ মুমিনের জন্য ছালাত হচ্ছে সমস্ত ঈমানী দুর্বলতা থেকে বাঁচার একমাত্র অস্ত্র ও পার্থিব ও পারলৌকিক মর্যাদা লাভের সর্বশ্রেষ্ঠ অসীলা। মানুষ যদি সত্যিকারের ছালাত আদায় করে অর্থাৎ আল্লাহকে একমাত্র মা'বুদ বরহক্ব জ্ঞানে মাত্র তারই কাছে মাথা নত করে, তবে অন্যের নিকটে মাথা নত করা হ'তে সে অবশ্যই রেহাই পেয়ে যাবে।^{৬২} কবির চেতনায় আসল কথটি ফুটে উঠেছে, আলস্য আর উদাসীনভাবে হাযারো সিজদা দিয়ে পরকালে নাজাত পাওয়া সম্ভব নয়। পক্ষান্তরে কায়মনোবাক্যে দু'টি সিজদা ব্যক্তিকে নাজাত দেয়ার জন্য যথেষ্ট। মহান আল্লাহ পবিত্র কুরআনে ঘোষণা করেন,

فَخَلَفَ مِنْ بَعْدِهِمْ خَلْفٌ أَضَاعُوا الصَّلَاةَ وَاتَّبَعُوا الشَّهَوَاتِ فَسُوفَ يَلْقَوْنَ غِيًّا.

‘তাদের পর আসল অপদার্থ পরবর্তীরা, তারা তাদের ছালাত নষ্ট করল আর কুপ্রবৃত্তির অনুসরণ করল; সুতরাং তারা অচিরেই ধ্বংসে (জাহান্নামের গভীর গর্তে) পতিত হবে’ (মারিয়াম ১৯/৫৯)।

মোদাকথা ছালাতের বিধিস্থিতিকে জাতির বিধিস্থিত্ব হিসাবে মহান আল্লাহ উল্লেখ করেছেন। একজন মুমিন ব্যক্তির জন্য দৈনিক পাঁচ ওয়াক্ত ছালাত আল্লাহ ফরয করেছেন। অন্য কোন আমলের ক্ষেত্রে এমনটি করেননি।^{৬৩} প্রতিটি প্রাপ্ত বয়স্ক মুসলিমকে ছালাত আদায় করতে হয় সুস্থ-অসুস্থ সর্ববিস্থায়। ছালাত সর্বাপেক্ষা গুরুত্বপূর্ণ ইবাদত বিধায় তা জাগ্রত জ্ঞানে বিনয়-নম্রতা সহকারে আদায় করতে হবে। সদা সচেতন থাকতে হবে যেন তা মুনাফিকের ছালাতের সাথে মিশে না যায়।

৬২. মূল : আল্লামা ইক্বাল, অনুবাদ : মোহাম্মদ মুমতাজুদ্দীন, যারবে কালীম (মুর্শিদাবাদ : তাওহীদ পাবলিকেশন, প্রকাশকাল : আগষ্ট ২০০০ ইং), পৃঃ ৪০।

৬৩. মুত্তাফাক্ব ‘আলাইহ, মুসলিম, মিশকাত হা/৫৮৬২-৬৫।

পঞ্চমতঃ লোক দেখানো কর্ম হ'তে বিরত থাকা :

মহান আল্লাহ বলেন, **الَّذِينَ هُمْ يُرْءَوْنَ** 'যারা লোক দেখানোর জন্য তা (ছালাত আদায়) করে' (মাউন ১০৭/৬)। অর্থাৎ লোক দেখানোর জন্য যারা ছালাত আদায় করে, তাদের ছালাত তাদের জন্য ধ্বংস ডেকে আনবে। অন্যত্র আল্লাহ বলেন,

وَإِذَا قَامُوا إِلَى الصَّلَاةِ قَامُوا كُسَالَى يُرْءَوْنَ النَّاسَ وَلَا يَذْكُرُونَ اللَّهَ إِلَّا قَلِيلًا।

‘আর যখন তারা ছালাত আদায়ের জন্য দাঁড়ায়, তখন আলস্যভাব প্রদর্শন পূর্বক শৈথিল্যের সাথে লোক দেখানোর জন্য ছালাতে দাঁড়ায়। এবং তারা আল্লাহকে অল্পই স্মরণ করে’ (নিসা ৪/১৪২)। যে সকল ছালাত আদায়কারী শৈথিল্যের সাথে লোক দেখানোর জন্য ছালাতে দাঁড়ায়, তারা মুনাফিক। কারণ এ আয়াতের প্রথমার্শ মুনাফিকদের উদ্দেশ্য করা হয়েছে।^{৬৪}

লোক দেখানো আমল করতে আল্লাহ তা‘আলা নিষেধ করে বলেন,

يَا أَيُّهَا الَّذِينَ آمَنُوا لَا تَبْطُلُوا صَدَقَاتِكُمْ بِالْمَنِّ وَالْأَذَى كَالَّذِي يُنْفِقُ مَالَهُ رِئَاءَ النَّاسِ وَلَا يُؤْمِنُ بِاللَّهِ وَالْيَوْمِ الْآخِرِ।

‘হে ঈমানদারগণ! তোমরা অনুগ্রহের কথা প্রকাশ কর এবং কষ্ট দিয়ে নিজেদের দান-খয়রাত বরবাদ করো না ঐ ব্যক্তির মত, যে নিজের ধন-সম্পদ লোক দেখানোর উদ্দেশ্যে ব্যয় করে এবং আল্লাহ ও পরকালের প্রতি বিশ্বাস রাখে না’ (বাক্বুরাহ ২/২৬৪)। লোক দেখানোর জন্য ছালাত আদায় করা মুনাফিকের বদভ্যাস। তারা মুসলিম-অমুসলিম সকলের সাথে তাল মিলিয়ে চলার জন্য এরূপ করে থাকে। ছালাত যদি প্রকাশ্যে ছেড়ে দেয়া হয় তাহ'লে তাদের (মুনাফিকদের) আসল পরিচয় মানব সমাজে পরিষ্কার হয়ে উঠবে, তাই তারা নিছক প্রদর্শনীর জন্য ছালাত আদায় করে। আর যারা দুনিয়ায় বিনয় নম্রতার সাথে ছালাত আদায় করে না বা আদৌ ছালাত আদায় করে না তারা ক্রিয়ামতের দিন বিচারের মাঠে আল্লাহর পদতলে সিজদা করতে সক্ষম হবে না। তাদের শত চেষ্টা ব্যর্থতায় পর্যবশিত হবে। সে সময় মানুষের ভিন্ন কোন পথ অবলম্বনের নিজস্ব কোন ক্ষমতাও থাকবে না। তখন সকলেই আল্লাহর অনুগ্রহের জন্য অধীর আগ্রহে চেয়ে থাকবে। এ মর্মে পবিত্র কুরআনে মহান আল্লাহ ঘোষণা করেছেন,

৬৪. আঃ নূর, কুরআন মাজীদ, পৃঃ ৬৪।

يَوْمَ يُكْشَفُ عَنْ سَاقٍ وَيُدْعَوْنَ إِلَى السُّجُودِ فَلَا يَسْتَطِيعُونَ. خَاشِعَةً أَبْصَارُهُمْ تَرْهُقُهُمْ ذُلَّةٌ وَقَدْ كَانُوا يُدْعَوْنَ إِلَى السُّجُودِ وَهُمْ سَالِمُونَ.

‘স্মরণ কর, সেই দিন যেদিন হাঁটুর নিম্নাংশ উন্মোচিত করা হবে এবং তাদেরকে আহ্বান করা হবে সিজদা করার জন্য; কিন্তু তারা তা করতে সক্ষম হবে না। তাদের দৃষ্টি হবে অবনত, অপমানবোধ তাদেরকে আচ্ছন্ন করবে অথচ যখন তারা নিরাপদ ছিল তখন তো তাদেরকে আহ্বান করা হয়েছিল সিজদা করতে (কিন্তু তারা অমান্য করেছে)’ (কলম ৬৮/৪২-৪৩)।

একই মর্মে হাদীছেও আলোচনা বিধৃত হয়েছে।

عَنْ أَبِي سَعِيدٍ رَضِيَ اللَّهُ عَنْهُ قَالَ سَمِعْتُ النَّبِيَّ ﷺ يَقُولُ يُكْشَفُ رُبُّنَا عَنْ سَاقِهِ فَيَسْجُدُ لَهُ كُلُّ مُؤْمِنٍ وَمُؤْمِنَةٍ، وَيَبْقَى مَنْ كَانَ يَسْجُدُ فِي الدُّنْيَا رِئَاءً وَسُمْعَةً، فَيَذْهَبُ لِيَسْجُدَ فَيَعُودُ ظَهْرُهُ طَبَقًا وَاحِدًا.

আবু সাঈদ খুদরী ^{রাযিয়ার্হা-ই আনহু} হ’তে বর্ণিত, তিনি বলেন, আমি নবী করীম ^{হযরাত-ই মুহাম্মাদ} কে বলতে শুনেছি যে, ‘ক্বিয়ামতের দিন আমাদের প্রভু স্বীয় পায়ের পিণ্ডলী খুলবেন, তখন তাকে প্রত্যেক মুমিন পুরুষ ও মহিলা সিজদা করবে। আর যারা পৃথিবীতে মানুষকে দেখানোর এবং শুনানোর জন্য সিজদা করতঃ তারাই শুধু বাকী থাকবে। তারাও সিজদা করতে চাইবে; কিন্তু তাদের পিঠ শক্ত কাঠের ন্যায় হয়ে যাবে, ফলে সিজদা করতে পারবে না।^{৬৫} সে দিন অন্যান্য মানুষের ন্যায় তারাও সিজদা করতে চাইবে দুনিয়াতে নিফাকির মত। কিন্তু যখন সামনের দিকে সিজদার জন্যে ঝুঁকতে চাইবে, তখন পিঠ কাঠের ন্যায় শক্ত হয়ে যাওয়ার দরুণ তা আর পারবে না।

عَنْ حُنْدَبٍ قَالَ قَالَ النَّبِيُّ ﷺ مَنْ سَمِعَ سَمِعَ اللَّهُ بِهِ، وَمَنْ يُرَائِي يُرَائِي اللَّهُ بِهِ.

জুনদুব ^{রাযিয়ার্হা-ই আনহু} বলেন, নবী করীম ^{হযরাত-ই মুহাম্মাদ} বলেছেন, ‘যে ব্যক্তি সুনাম অর্জন করার উদ্দেশ্যে কোন কাজ করে, আল্লাহ তা’আলা তার দোষ-ত্রুটিকে লোক সমাজে প্রকাশ করে দিবেন। আর যে ব্যক্তি মানুষকে দেখানোর জন্য কোন কাজ বা আমল করে, আল্লাহ তা’আলাও তার সাথে লোক দেখানোর ব্যবহার করবেন’ (আমলের প্রকৃত ছওয়াব হ’তে সে বঞ্চিত হবে)।^{৬৬}

৬৫. ছহীহ বুখারী, হা/৪৯১৯।

৬৬. মুতাফাক্ব ‘আলাইহ, ছহীহ বুখারী হা/৬৪৯৯; মিশকাত হা/৫৩১৬; মূল মিশকাত পৃঃ ৪৫৪।

عَنْ أَبِي سَعِيدٍ قَالَ خَرَجَ عَلَيْنَا رَسُولُ اللَّهِ ﷺ وَنَحْنُ نَتَذَكَّرُ الْمَسِيحَ الدَّجَالَ فَقَالَ أَلَا أُخْبِرُكُمْ بِمَا هُوَ أَخَوْفُ عَلَيْكُمْ عِنْدِي مِنَ الْمَسِيحِ الدَّجَالَ قَالَ قُلْنَا بَلَى فَقَالَ الشِّرْكَ الْخَفِيُّ أَنْ يَقُومَ الرَّجُلُ يُصَلِّيَ فَيَزِينُ صَلَاتَهُ لِمَا يَرَى مِنْ نَظَرِ رَجُلٍ.

আবু সাঈদ খুদরী <sup>রাযীয়া-হু
আলাহু</sup> বলেন, একদা আমরা মসীহ দাজ্জাল সম্পর্কে আলোচনা করছিলাম। এমন সময় রাসূলুল্লাহ <sup>হাদীরা-হু
আলাইহে
ওয়াসাল্যাম</sup> আমাদের নিকটে আসলেন এবং বললেন, খবরদার! আমি কি তোমাদেরকে এমন একটি বিষয় অবহিত করব না, যা আমার নিকট তোমাদের জন্য মসীহ দাজ্জাল হ'তেও আশংকাজনক? আমরা বললাম, বলুন, ইয়া রাসূলুল্লাহ! তিনি বললেন, আর তা হ'ল 'শিরকে খফী' অর্থাৎ কোন ব্যক্তি ছালাতে দাঁড়িয়ে এই কারণে ছালাত দীর্ঘায়িত করে যে, তার ছালাত কোন ব্যক্তি দেখছে'।^{৬৭}

عَنْ مَحْمُودِ بْنِ لَبِيدٍ أَنَّ رَسُولَ اللَّهِ ﷺ قَالَ إِنَّ أَخَوْفَ مَا أَخَافُ عَلَيْكُمْ الشِّرْكَ الْأَصْغَرَ قَالُوا وَمَا الشِّرْكَ الْأَصْغَرُ يَا رَسُولَ اللَّهِ قَالَ الرِّيَاءُ.

মাহমুদ ইবনে লাবীদ <sup>রাযীয়া-হু
আলাহু</sup> বলেন, নবী করীম <sup>হাদীরা-হু
আলাইহে
ওয়াসাল্যাম</sup> বলেছেন, তোমাদের জন্য যে বিষয়ে সর্বপেক্ষা বেশী ভয় করছি তা হ'ল ছোট শিরক। লোকেরা জিজ্ঞেস করল, হে আল্লাহর রাসূল <sup>হাদীরা-হু
আলাইহে
ওয়াসাল্যাম</sup>! ছোট শিরক কী? উত্তরে তিনি বললেন, 'রিয়া' অর্থাৎ লোক দেখানো আমল সমূহ।^{৬৮}

আল্লাহ ও রাসূলুল্লাহ <sup>হাদীরা-হু
আলাইহে
ওয়াসাল্যাম</sup> -এর উপরোক্ত বাণী প্রমাণ করে যে, লোক দেখানো কার্যাবলী শিরক-এর অন্তর্ভুক্ত। আর যদি ছালাত মানুষকে দেখানোর জন্য আদায় করা হয়, তাহ'লে তাও শিরকের মধ্যে গণ্য হবে। আর এমন কাজ থেকেই অনেক সময় অহংকারের জন্ম নেয়। শিরক এক অমার্জনীয় অপরাধ এবং যার শেষ ফল চিরস্থায়ী জাহান্নাম।

عَنْ جَابِرِ رَضِيَ اللَّهُ عَنْهُ قَالَ قَالَ رَسُولُ اللَّهِ ﷺ ثَنَانٌ مُوجِبَتَانِ قَالَ رَجُلٌ يَا رَسُولَ اللَّهِ مَا الْمُوجِبَتَانِ؟ قَالَ مَنْ مَاتَ يُشْرِكُ بِاللَّهِ شَيْئًا دَخَلَ النَّارَ وَمَنْ مَاتَ لَا يُشْرِكُ بِاللَّهِ شَيْئًا دَخَلَ الْجَنَّةَ.

৬৭. ইবনু মাজাহ হা/৪২০৪; সনদ হাসান, মূল মিশকাত পৃঃ ৪৫৬; আলবাণী, মিশকাত হা/৫৩৩৩।

৬৮. আহমাদ ও বায়হাকী, সনদ ছহীহ, আলবাণী মিশকাত, হা/৫৩৩৪; বুলুগল মারাম, পৃঃ ১১১।

জাবের ইবনে আব্দুল্লাহ <sup>রাযীরাহু-হু
আলাইহে
ওয়াসাল্লাম</sup> বলেন, নবী করীম <sup>সাল্লাল্লাহু-ই
আলাইহে
ওয়াসাল্লাম</sup> বলেছেন, ‘দু’টি বিষয় (অপর দু’টি বিষয়কে) অনিবার্য করে তোলে। এক ব্যক্তি জিজ্ঞেস করল, বিষয় দু’টি কী? রাসূলুল্লাহ <sup>সাল্লাল্লাহু-ই
আলাইহে
ওয়াসাল্লাম</sup> বললেন, যে ব্যক্তি আল্লাহর সাথে কাউকে শরীক করে মারা যাবে, সে জাহান্নামে যাবে। আর যে ব্যক্তি আল্লাহর সাথে কাউকে শরীক না করে মারা যাবে, সে জান্নাতে যাবে’।^{৬৯}

উক্ত হাদীছ ছোট ও বড় শিরক-এর মাঝে কোন পার্থক্য করা হয়নি। তাছাড়া নবী করীম <sup>সাল্লাল্লাহু-ই
আলাইহে
ওয়াসাল্লাম</sup> স্বীয় উম্মতের জন্য ছোট শিরকের বেশী ভয় পেতেন। বড় শিরক-এর ব্যাপারে তো মন্তব্য নিষ্প্রয়োজন। শিরককারীকে জাহান্নামের আগুনে জ্বলতেই হবে।

عَنْ أَبِي الدَّرْدَاءِ قَالَ أَوْصَانِي خَلِيلِي ﷺ أَنْ لَا تُشْرِكَ بِاللَّهِ شَيْئًا وَإِنْ قُطِعَتْ وَحُرِّقَتْ وَلَا تَتْرُكْ صَلَاةً مَكْتُوبَةً مُتَعَمِّدًا فَمَنْ تَرَكَهَا مُتَعَمِّدًا فَقَدْ بَرِئَتْ مِنْهُ الذِّمَّةُ وَلَا تَشْرَبِ الْخَمْرَ فَإِنَّهَا مِفْتَاحُ كُلِّ شَرٍّ.

আবু দারদা <sup>রাযীরাহু-হু
আলাইহে
ওয়াসাল্লাম</sup> বলেন, রাসূলুল্লাহ <sup>সাল্লাল্লাহু-ই
আলাইহে
ওয়াসাল্লাম</sup> আমাকে উপদেশ দিয়েছেন যে, ‘তুমি আল্লাহর সাথে কাউকে শরীক করবে না, যদিও তোমাকে খণ্ড-বিখণ্ড করা হয় বা জ্বালিয়ে দেয়া হয়। আর ইচ্ছা করে অলসতা বশত ফরয ছালাত ছেড়ে দিবে না। কেননা যে ব্যক্তি ইচ্ছা করে ফরয ছালাত ত্যাগ করবে, তার উপর থেকে আল্লাহ দায়িত্বমুক্ত। আর মদ পান করবে না। কেননা তা সকল অকল্যাণের সূতিকাগার’।^{৭০} হয়রত মু‘আয <sup>রাযীরাহু-হু
আলাইহে
ওয়াসাল্লাম</sup> বলেন, আমাকে রাসূলুল্লাহ <sup>সাল্লাল্লাহু-ই
আলাইহে
ওয়াসাল্লাম</sup> দশটি বিষয়ে উপদেশ দিয়েছিলেন। তন্মধ্যে প্রথমটি ছিল-

لَا تُشْرِكْ بِاللَّهِ شَيْئًا وَ إِنْ قُتِلْتَ وَ حُرِّقْتَ.

‘আল্লাহর সাথে কাউকে শরীক করবে না, যদি তোমাকে হত্যা করা হয় অথবা আগুনে পুড়িয়ে ভস্ম করা হয়’।^{৭১}

হাদীছ দ্বয় দ্বারা বুঝা যাচ্ছে, যদি কোন মুসলমানকে টুকরো টুকরো করে কেটে ফেলা হয় অথবা আগুনে পুড়িয়ে ছাই করা হয় তবুও সে শিরক-এর সাথে কোন প্রকার আপোষ করতে পারবে না। যারা দীন প্রচারে হিকমতের দোহাই দিয়ে বা বিভিন্ন ক্ষেত্রে হিকমতের দোহাই দিয়ে এবং মদীনা সনদ বা হৃদায়বিয়ার সন্ধির প্রসঙ্গ টেনে বিভিন্ন প্রকার (ছোট/বড়) শিরক-এর সাথে আপোষ করে চলেেন এ হাদীছ দু’টি তাদের কথিত হিকমতের কবর রচনা

৬৯. ছহীহ মুসলিম হা/২৭৯; মিশকাত হা/৩৮; মূল মিশকাত পৃঃ ১৫।

৭০. ইবনু মাজাহ, সনদ হাসান, মূল মিশকাত পৃঃ ৫৭; আলবানী মিশকাত, হা/৫৮০।

৭১. আহমাদ, শাওয়াহেদ হিসাবে ছহীহ, মূল মিশকাত পৃঃ ১৮; আলবানী, মিশকাত, হা/৬১।

করে শিরক-এর ভয়াবহতা স্পষ্ট করে তুলে ধরেছে। এ থেকে আমাদের শিক্ষা গ্রহণ করা উচিত।

তাছাড়া শিরক এমন একটি অপরাধ যা আল্লাহ ক্ষমা করেন না। অথচ তিনি শিরক ব্যতীত অন্যান্য গুনাহ যাকে ইচ্ছা ক্ষমা করে দিতে পারেন। শিরক ক্ষমার অযোগ্য এক অপরাধ। এ মর্মে আল্লাহ তাআলা বলেন-

إِنَّ اللَّهَ لَا يَغْفِرُ أَنْ يُشْرَكَ بِهِ وَيَغْفِرُ مَا دُونَ ذَلِكَ لِمَنْ يَشَاءُ وَمَنْ يُشْرِكْ بِاللَّهِ فَقَدْ ضَلَّ ضَلَالًا بَعِيدًا.

‘নিশ্চয়ই আল্লাহ তাকে ক্ষমা করেন না, যে আল্লাহর সাথে কাউকে শরীক করে। এ ছাড়া যাকে ইচ্ছা তিনি ক্ষমা করে দেন। যে আল্লাহর সাথে শরীক স্থাপন করে সে সুদূরপ্রসারি ভ্রান্তিতে পতিত হয়’ (নিসা ৪/১১৬)। একই সূরের প্রতিধ্বনি মহানবী ^{হযরাতা-ই আল্লাহকে ওহাসপালম} -এর কর্তৃও শোনা যায়-

عَنْ أَنَسُ بْنُ مَالِكٍ قَالَ قَالَ رَسُولُ اللَّهِ ﷺ قَالَ اللَّهُ يَا ابْنَ آدَمَ إِنَّكَ مَا دَعَوْتَنِي وَرَحَوْتَنِي غَفَرْتُ لَكَ عَلَى مَا كَانَ فِيكَ وَلَا أُبَالِي يَا ابْنَ آدَمَ لَوْ بَلَغَتْ ذُنُوبُكَ عَنَانَ السَّمَاءِ ثُمَّ اسْتَغْفَرْتَنِي غَفَرْتُ لَكَ وَلَا أُبَالِي يَا ابْنَ آدَمَ إِنَّكَ لَوْ أَتَيْتَنِي بِقُرَابِ الْأَرْضِ خَطَايَا ثُمَّ لَقِيتَنِي لَا تُشْرِكُ بِي شَيْئًا لَأَتَيْتُكَ بِقُرَابِهَا مَغْفِرَةً.

আনাস ^{হযরাতা-ই আল্লাহকে ওহাসপালম} বলেন, রাসূলুল্লাহ ^{হযরাতা-ই আল্লাহকে ওহাসপালম} বলেছেন, আল্লাহ তা‘আলা বলেন, হে আদম সন্তান! যতক্ষণ তুমি আমাকে ডাকবে এবং আমার ক্ষমার আশা রাখবে আমি তোমাকে ক্ষমা করব। তোমার অবস্থা যাই হোক না কেন। আমি কারো পরোয়া করি না। আদম সন্তান! তোমার গুনাহ যদি আকাশ পর্যন্ত পৌঁছে, অতঃপর তুমি আমার নিকটে ক্ষমা চাও, আমি তোমাকে ক্ষমা করব, আমি কারো পরোয়া করি না। আদম সন্তান! তুমি যদি পৃথিবী পরিমাণ গুনাহ নিয়েও আমার নিকট সাক্ষাত কর এবং আমার সাথে কাউকে শরীক না কর, তবে আমি পৃথিবী পরিমাণ ক্ষমা নিয়ে তোমার নিকট উপস্থিত হব’।^{৯২} কারো জীবনে যদি পাপের স্তূপ জমে যায় আর তাতে শিরকের পাপ না থাকে, তাহ’লে তা ক্ষমার পূর্ণ সুযোগ আছে। বিনীতভাবে আল্লাহর কাছে ক্ষমা চাইলে তিনি ক্ষমা করার আশ্বাস দিয়েছেন।

শিরক এমন একটি জঘন্য অপরাধ যা মানুষের পূর্বাপর যাবতীয় কৃত আমলকে ধ্বংস করে দেয়। এ সম্পর্কে মহান আল্লাহ বলেন,

৯২. তিরমিযী, সনদ ছহীহ, হা/৩৫৪০; মিশকাত হা/২৩৩৬; মূল মিশকাত পৃঃ ২০৪।

وَلَقَدْ أُوحِيَ إِلَيْكَ وَإِلَى الَّذِينَ مِنْ قَبْلِكَ لَئِنْ أَشْرَكَتَ لَيَحْبَطَنَّ عَمَلُكَ وَلَتَكُونَنَّ
مِنَ الْخَاسِرِينَ-

‘আপনার প্রতি এবং আপনার পূর্ববর্তীদের প্রতি প্রত্যাদেশ হয়েছে যে, যদি আল্লাহর সাথে শিরক স্থির করেন, আপনার যাবতীয় কাজ-কর্ম নিষ্ফল হয়ে যাবে এবং আপনি ক্ষতিগ্রস্তদের অন্তর্ভুক্ত হবেন’ (যুমার ৩৯/৬৫)। আর সমস্ত আমল ধ্বংস হয়ে গেলে তার জন্য জাহান্নাম ছাড়া কোন পথ খোলা থাকে না। বিধায় মুশরিককে জান্নাত হ’তে মাহরুম হ’তে হয়। আল্লাহ বলেন,

مَنْ يُشْرِكْ بِاللَّهِ فَقَدْ حَرَّمَ اللَّهُ عَلَيْهِ الْجَنَّةَ وَمَأْوَاهُ النَّارُ وَمَا لِلظَّالِمِينَ مِنْ أَنْصَارٍ-

‘নিশ্চয়ই যে ব্যক্তি আল্লাহর সাথে শরীক করে, আল্লাহ তার জন্য জান্নাত হারাম করে দেন এবং তার বাসস্থান হয় জাহান্নাম। অত্যাচারীদের কোন সাহায্যকারী নেই’ (মায়দা ৫/৭২)।

উপরোক্ত আলোচনায় একথা সুস্পষ্ট হয় যে, লোক দেখানো আমল সমূহ শিরক-এর অন্তর্ভুক্ত। সেটা ছোট বা বড় যে ধরনেরই হোক না কেন। তাই মুমিন ব্যক্তিকে সদা-সর্বদা শিরক-এর ব্যাপারে আপোষহীন থাকতে হবে। অতএব লোক দেখানো আমল হ’তে সর্বদা বেঁচে থাকা আবশ্যিক। সব সময় জাগ্রত জ্ঞান সহকারে আমল করতে হবে। কোনক্রমেই যেন স্থায়ী ইবাদতে শিরক-এর সংমিশ্রণ না ঘটে সে দিকে তীক্ষ্ণ দৃষ্টি রাখতে হবে।

ষষ্ঠতঃ নিত্য প্রয়োজনীয় বস্তু অপরকে দেয়া :

সূরা-র শেষাংশে আল্লাহ বলেন, وَيَمْنَعُونَ الْمَاعُونَ ‘এবং গৃহস্থলীর প্রয়োজনীয় ছোট খাট বস্তু (যাকাত) দেয়া থেকে বিরত থাকে’ (মাউন ১০৭/৭)। এখানে ‘মা-উন’ বলে যাকাতকে বুঝানো হয়েছে।^{৭৩} অর্থাৎ তারা তাদের প্রতিপালকের সুন্দরভাবে ইবাদতও করেনি এবং আল্লাহর সৃষ্টির প্রতি দয়া-মমতা তথা সহযোগিতা ও সুন্দর ভাবও প্রদর্শন করেনি। এমনকি গৃহস্থলীর প্রয়োজনীয় বস্তু ধারণও দেয়নি। যদিও তা প্রত্যাবর্তনযোগ্য ছিল। এ লোকগুলিই যাকাত অমান্যকারী। খলীফা আলী রাযিরাজা-এ ‘মাউন’ বলতে যাকাত অমান্যকারীকে বুঝিয়েছেন। তাবেঈ মুজাহিদ আলী রাযিরাজা-এ হ’তে উক্ত হাদীছ বর্ণনা করেন। ছাহাবী ইবনে ওমরেরও একই অভিমত। তাবেঈ মুহাম্মদ

৭৩. মুহাম্মাদ ইবনে আলী ইবনে শাওকানী, ফাতহুল ক্বাদীর (বৈরুত : দারুল মা‘রেফা, তা. বি.), ৫/৫০০ পৃঃ ; ইবনে কাসীর, ৪/৭২০ পৃঃ; আঃ নূর কুরআন মাজীদ, পৃঃ ৬৪; তাফসীরে কুরতুবী ১৯-২০ খণ্ড, পৃঃ ১৪৫।

ইবনুল হানাফিয়া, সাঈদ ইবনু জুবায়ের, ইকরামা, মুজাহিদ, আত্বা, আতিয়া, আওফী, যুহরী, ক্বাতাদাহ, যাহ্‌হাক ও ইবনে যায়েদ প্রমুখের অভিমত এটাই।^{১৪}

ইবনে মাসউদ ^{হাদীস-এ আলিহ} বলেন, মা'উন ঐসব জিনিসকে বলা হয়, যা মানুষ একে অন্যের নিকটে চেয়ে থাকে এবং তা নিত্যপ্রয়োজনীয়। যেমন ডেকচি, বালতি, কোদাল, দা-কুড়াল, লবন, পানি ইত্যাদি।^{৭৫} আবু আব্দুল্লাহ বলেন, আমরা রাসূলুল্লাহ ^{হাদীস-এ আলিহে ওয়াসালিম} -এর সাথে ছিলাম, আমরা বলতামُ الْمَاعُونُ হচ্ছে বালতি এবং তার সাদৃশ্য জিনিস মানুষকে না দেয়া।^{৭৬} হযরত আব্দুল্লাহ বলেন, প্রত্যেক ভালো জিনিসই ছাদাক্বাহ। ডোল, হাঁড়ি, বালতি, লবণ ইত্যাদি নবী করীম ^{হাদীস-এ আলিহে ওয়াসালিম} -এর আমলে 'মাউন' নামে অভিহিত হ'ত।^{৭৭}

মুনাফিক চরিত্রের বৈশিষ্ট্য হ'ল, তারা লোক দেখানোর জন্য ছালাত আদায়, যাকাত প্রদান করে থাকে ইত্যাদি। যাকাত দাতা ব্যক্তিই অবহিত, তার অর্থে যাকাত ফরয হয়েছিল কি-না? কাজেই সে ব্যক্তি সহজেই যাকাত ফাঁকি দিতে পারে। সোনা-চাঁদির ক্ষেত্রে যাকাত এবং ফসলের ক্ষেত্রে কোথাও দশভাগের একভাগ এবং কোথাও বিশভাগের এক ভাগ দিতে হয়। তবে ইহা 'উশর' নামে পরিচিত। 'মাউন' শব্দের অর্থ যাকাত করাই উত্তম। তবে মাউন শব্দের ধাতুগত অর্থ-সাহায্য করা। যা দ্বারা মানুষ পরস্পরকে সাহায্য করে সে গুলোই মাউন। যাকাতই মূলতঃ মাউন। আগুন, পানি, দা-কুড়াল প্রভৃতি নিত্য প্রয়োজনীয় ব্যবহারের বস্তুগুলিও মাউন।^{৭৮}

মূলত: মাউন ছোট ও সামান্য পরিমাণ জিনিসকে বলা হয়। এমন ধরনের জিনিস যা লোকদের কোন কাজে লাগে বা এর থেকে তারা ফায়দা অর্জন করতে পারে। এ অর্থে যাকাতও মাউন। কারণ বিপুল পরিমাণ সম্পদের মধ্য থেকে সামান্য পরিমাণ সম্পদ যাকাত হিসাবে গরীবদের সাহায্য করার জন্য দেয়া হয়। অধিকাংশ তাফসীরকারদের মতে সাধারণত প্রতিবেশীর একজন আর একজনের কাছ থেকে দৈনন্দিন যেসব জিনিস চেয়ে নিতে থাকে সেগুলিও মাউনের অন্তর্ভুক্ত।^{৭৯}

৭৪. ইবনে কাছীর ৪/৭২০; আঃ নূর কুরআন মাজীদ, পৃঃ ৬৪-৬৫; তাফহীমুল কুরআন, ১৯/২৫৮ পৃঃ।

৭৫. মুহাম্মাদ আলী ছাব্বী, ছাফওয়াতুত-তাফাসীর (বৈরুত : দারুল কুরআনিল কারীম, ১ম সংস্করণ, ১৪০০ হি/১৯৮০ ইং), ৩য় খণ্ড, পৃঃ ৬০৯; ইবনে কছীর ৪/৭২০; তাফহীমুল কুরআন ১৯/২৫৮ পৃঃ; মা'আরেফুল কুরআন ৮/১০২০ পৃঃ; কবরত্বী ১৯-২০/১৪৫।

৭৬. ত্বাবারী, ইবনে কছীর হা/৭৪৮৮।

৭৭. ইবনে কছীর ৪/৭২০; আঃ রহমান বিন নাছের আস-সা'দী, তাইসীরুল কারীমির রহমান ফী তাফসীরে কালামিল মান্নান (রিয়াদ : ১৪১০ হিঃ) ৭/৬৭৮ পৃঃ।

৭৮. আঃ নূর, কুরআন মাজীদ, পৃঃ ৬৫।

৭৯. তাফহীমুল কুরআন ১৯/২৫৯ পৃঃ; মা'আরেফুল কুরআন ৮/১০২০ পৃঃ।

আলী ইবনে ফুলান নুমাইরী <sup>হাদীছ-হু
আলাইহে
ওয়াসাল্যাম</sup> হ'তে বর্ণিত আছে যে, তিনি নবী করীম <sup>হাদীছ-হু
আলাইহে
ওয়াসাল্যাম</sup> কে বলতে শুনেছেন, মুসলমান মুসলমানের ভাই। দেখা হ'লে সালাম করবে, সালাম করলে ভাল জবাব দিবে এবং মাউনের ব্যাপারে অস্বীকৃতি জানাবে না অর্থাৎ নিষেধ করবে না। আলী নুমাইরী <sup>হাদীছ-হু
আলাইহে
ওয়াসাল্যাম</sup> জিজ্ঞেস করলেন, 'মাউন কী'? উত্তরে তিনি বললেন, 'পাথর' লোহা এবং এ জাতীয় অন্যান্য জিনিস। এসব ব্যাপারে আল্লাহ সবচেয়ে ভাল জানেন।^{৮০}

সুতরাং প্রয়োজনীয় বস্তু আদান-প্রদানের ব্যাপারে একে অন্যের সাহায্য করা অপরিহার্য। ইসলাম প্রতিবেশীর গুরুত্ব বিভিন্নভাবে বর্ণনা করেছে। প্রতিবেশীকে নিত্য প্রয়োজনীয় বস্তু সাময়িকভাবে ধার দেয়া, সহযোগিতা করা ভাল কাজ বলে ইসলামে স্বীকৃত। বাড়ীর আশ-পাশের ব্যক্তিদের প্রয়োজনীয় জিনিস দ্বারা সাহায্য করা ছওয়াবের কাজও বটে। নিম্নোক্ত হাদীছটি সে দিকেরই ইঙ্গিত বহন করে।

عَنْ أَبِي هُرَيْرَةَ رَضِيَ اللَّهُ عَنْهُ عَنِ النَّبِيِّ ﷺ قَالَ يَا نِسَاءَ الْمُسْلِمَاتِ لَا تَحْرِرنَ جَارَةَ لِحَارَتِهَا وَلَوْ فَرَسِنَ شَاةً.

আবু হুরায়রা <sup>হাদীছ-হু
আলাইহে
ওয়াসাল্যাম</sup> নবী করীম <sup>হাদীছ-হু
আলাইহে
ওয়াসাল্যাম</sup> হ'তে বর্ণনা করেন, রাসূলুল্লাহ <sup>হাদীছ-হু
আলাইহে
ওয়াসাল্যাম</sup> বলেছেন, 'হে মুসলিম মহিলাগণ! তোমাদের কেউ যেন কোন প্রতিবেশীকে তুচ্ছ মনে না করে, এমনকি ছাগলের পায়ের ক্ষুর তার নিকট হাদীয়া পাঠাতেও'।^{৮১} অপর এক হাদীছে বর্ণিত হয়েছে, আবু যার <sup>হাদীছ-হু
আলাইহে
ওয়াসাল্যাম</sup> বলেন, নবী করীম <sup>হাদীছ-হু
আলাইহে
ওয়াসাল্যাম</sup> বলেছেন, হে আবু যার! যখন কোন ঝোল তরকারী রান্না করবে, তখন তাতে পানির পরিমাণ বেশী করে দিয়ে প্রতিবেশীর খবরদারি করবে (অর্থাৎ প্রতিবেশীকে দিয়ে খাওয়ার ব্যাপারে সদা-সর্বদা সচেতন থাকবে)।^{৮২} তরকারী রান্না করার সময় পানি বেশী করে দিয়ে ঝোলের পরিমাণ বৃদ্ধি করত তা হ'তে প্রতিবেশীকে দেয়ার বিষয়টি হাদীছে ফুটে উঠেছে। নিজের বাড়ীর দেয়ালে প্রতিবেশীকে খুঁটি গেঁড়ে উপকার লাভ করা হ'তে বাধা প্রদান করাকেও মহানবী <sup>হাদীছ-হু
আলাইহে
ওয়াসাল্যাম</sup> নিষেধ করেছেন। তাহ'লে বুঝা যায়, বিষয়গুলো কত জটিল। তাই রাসূলুল্লাহ <sup>হাদীছ-হু
আলাইহে
ওয়াসাল্যাম</sup> ও নিত্য প্রয়োজনীয় বিষয়ে পরস্পরে উপকার হাছিল করার ব্যাপারে বলেন,

৮০. ইবনু কাছীর ৪/৭২০ পৃঃ।

৮১. মুতাফাক্ব 'আলাইহ, ছহীহ বুখারী হা/২৫৬৬; মিশকাত হা/১৮৯২।

৮২. ছহীহ মুসলিম হা/৬৮৫৫; মিশকাত হা/১৯৩৭।

عَنْ أَبِي هُرَيْرَةَ رَضِيَ اللَّهُ عَنْهُ أَنَّ رَسُولَ اللَّهِ ﷺ قَالَ لَا يَمْنَعُ جَارُ جَارِهِ أَنْ يَغْرِزَ خَشْبَهُ فِي جِدَارِهِ. ثُمَّ يَقُولُ أَبُو هُرَيْرَةَ مَا لِي أَرَاكُمْ عَنْهَا مُعْرِضِينَ وَاللَّهِ لَأَرْمِينَ بِهَا بَيْنَ أَكْتَفَاكُمْ.

আবু হুরায়রা ^{রাযিরাজা-ক} ^{আনহু} হ'তে বর্ণিত, নিশ্চয়ই রাসূলুল্লাহ ^{হাদিস-ক} ^{আলাইহে ওয়াসাল্লাম} বলেছেন, 'এক প্রতিবেশী যেন তার অপর প্রতিবেশীকে দেয়ালে খুঁটি পুঁততে নিষেধ না করে'। অতঃপর আবু হুরায়রা ^{রাযিরাজা-ক} ^{আনহু} বলেন, কী হল, আমি তোমাদেরকে এ হাদীছ হ'তে উদাসীন দেখতে পাচ্ছি। আল্লাহর কসম, আমি সব সময় তোমাদেরকে এ হাদীছ বলতেই থাকব।^{৮৩} একজন অপরজনের দ্বারা বিভিন্নভাবে উপকার লাভ করতে পারে। এক্ষেত্রে প্রতিবন্ধকতা সৃষ্টিকর উচিত নয়। প্রতিবেশী সম্পর্কে আলোচনা করতে গিয়ে হাদীছে এভাবে বিধৃত হয়েছে -

عَنْ ابْنِ عُمَرَ رَضِيَ اللَّهُ عَنْهُمَا قَالَ قَالَ رَسُولُ اللَّهِ ﷺ مَا زَالَ جِبْرِيلُ يُوصِينِي بِالْحَارِ حَتَّى ظَنَنْتُ أَنَّهُ سَيُورُّهُ.

ইবনু ওমর ^{রাযিরাজা-ক} ^{আনহু} হ'তে বর্ণিত, তিনি বলেন, রাসূলুল্লাহ ^{হাদিস-ক} ^{আলাইহে ওয়াসাল্লাম} বলেছেন, 'হযরত জিবরীল (আঃ) সর্বদা আমাকে প্রতিবেশী সম্পর্কে উপদেশ দিতে থাকেন। এমনকি আমার এই ধারণা হচ্ছিল যে, অচিরেই তিনি প্রতিবেশীকে ওয়ারিছ (স্বীয় সম্পত্তিতে অংশীদার) করে দিবেন।'^{৮৪} মোটকথা প্রতিবেশীর প্রতি অত্যধিক খেয়াল রাখার জন্য জোরালোভাবে বলা হয়েছে।

৮৩. মুত্তাফাকু 'আলাইহ, ছহীহ বুখারী হা/২৪৬৩; মিশকাত হা/২৯৬৪।

৮৪. মুত্তাফাকু 'আলাইহ, ছহীহ বুখারী হা/৬০১৫; মিশকাত হা/৪৯৬৪; মূল মিশকাত, পৃঃ ৪২২।



উপসংহার :

সংক্ষিপ্ত এ সূরাটি মানুষকে ইহকালীন ও পরকালীন কার্যাবলীর ব্যাপারে সচেতনতার শিক্ষা দেয়। যারা ইয়াতীমকে হয়ে প্রতিপন্ন করে, অভাবীকে অনু দেয় না, ছালাতের ব্যাপারে উদাসীন, নিছক প্রদর্শনীর নিমিত্তে কর্ম সম্পাদন করে এবং প্রয়োজনীয় বস্তু অপরকে দেয়া হ'তে বিরত থাকে, মূলতঃ তারা আখেরাতকে অবিশ্বাসীদের মতই। কারণ এগুলি পরকালকে অবিশ্বাসীদের বৈশিষ্ট্য। যদি পরকাল সম্পর্কে তাদের বিশ্বাস পূর্ণভাবে থাকত, তাহ'লে এরূপ ধৃষ্টতাপূর্ণ আচরণ করা থেকে বিরত থাকত। কারো মাঝে যদি এরূপ অসৎ গুণাবলী থাকে, তাহ'লে শীঘ্রই তা পরিত্যাগ করা অপরিহার্য।

বর্তমানে কথিত সভ্য জগতের মানুষ অশান্তির অনলে দক্ষীভূত হচ্ছে। অশান্তির হিংস্র ছোবল সমাজ জীবনকে করে তুলছে বিষময়। বিধায় মানুষ পাগলের ন্যায় দিগ্বিদিক হন্যে হয়ে ছুটেছে একটু প্রশান্তির প্রত্যাশায়। কিন্তু শান্তি তাদের নাগালের বাইরে। তাই তার সন্ধান মিলছে না। আধুনিক সভ্যতা মানব জাতিকে শান্তি দিতে ব্যর্থ হয়েছে। এর বাস্তব প্রমাণ জ্বলন্ত কাশ্মীর, রক্তাক্ত আফগানিস্তান ও ফিলিস্তীন সহ মধ্য এশিয়ার সংখ্যালঘু মুসলমান। সেখানে ভুখা-নাঙ্গা শিশু-কিশোর, পুরুষ ও নারীর বুকফাটা আতঁচীৎকারে ধরিত্রীর পবন ভারী হয়ে উঠেছে। ভারতে সংখ্যালঘু মুসলমানদের উপর বিভিন্ন অজুহাত খাড়া করে, ছলে, বলে, কৌশলে চালানো হচ্ছে নির্যাতনের স্টীম রোলার। তারা আজ মানবেতর জীবন যাপন করছে। যা বর্ণনা করতে বাক রুদ্ধ হয়ে আসে, হৃদয় কেঁপে উঠে। অথচ সভ্যতার মোড়লরা সেদিকে দ্রক্ষেপই করছে না। জেনে শুনেও না জানার ভান করছে।

এত কিছু পরেও মুসলিম নেতৃবৃন্দ এই অসহায় অভাবীদের পাশে সাহায্যের হাত বাড়ানো না। ফলশ্রুতিতে মুসলমানরা আজ ঘৃণিত, লাঞ্চিত, অপমানিত ও অবহেলিত। কুরআনের শিক্ষাকে ভুলে যাওয়ার কারণে মুসলমানদের এ দূর্বস্থা। কোথাও শান্তি পাওয়া যাবে না, যদি পবিত্র কুরআনের শিক্ষাকে স্থায়ী জীবনে বাস্তবায়ন না করা যায়। দল-মত নির্বিশেষে সকল মুসলমানের উচিত আল-কুরআনের এ মহান শিক্ষাকে দ্বিধাহীন চিত্তে নিঃশর্তভাবে মেনে নিয়ে স্থায়ী জীবনে বাস্তবায়ন করা। আল্লাহ আমাদের সহায় হোন। আমিন!!

পরিশিষ্ট :

আদর্শ সমাজ গঠনের জন্য একান্ত প্রয়োজন উত্তম চরিত্র। সর্বোত্তম চরিত্রের অধিকারী মানুষকে দিয়েই আদর্শ সমাজ গঠন করা সম্ভব। ইমাম গাযযালী বলেন, ‘আল-কুরআন ও হাদীছ মারফত ইসলাম ব্যক্তি চরিত্রে যে সকল গুণাবলীর প্রতি বিশেষ গুরুত্বারোপ করেছে, তাহ’ল চারিত্রিক আদর্শ’। কোন দেশ বা জাতি যতক্ষণ পর্যন্ত নৈতিক মূল্যবোধ বা আদর্শের ভিত্তিতে নিজের সংসার যাত্রা নির্বাহ করবে, তারা ততদিন ধ্বংস প্রাপ্ত হবে না। এটাই আল্লাহর চিরন্তন বিধান।^{৮৫} নবী করীম হযরাতা-হু
আলাইহে
ওয়াসাল্লাম কে আল্লাহ তা‘আলা এ উত্তম চরিত্রের প্রেরণার উৎস হিসাবে পাঠিয়েছেন। তিনি তার চরিত্রের সনদ প্রদান করেছেন এভাবে- وَإِنَّكَ لَعَلَىٰ خُلُقٍ عَظِيمٍ ‘আপনি অবশ্যই মহত্তম চরিত্রে অধিষ্ঠিত’ (কলম ৪)। আমরা জানি মহত্তম চরিত্রের মানুষ ঐ ব্যক্তি, যিনি তার মন ও চরিত্রে, অভ্যাস ও আচরণে পূর্ণ ভারসাম্য রাখেন যা দুঃখ-কষ্ট, অপবাদ অথবা নির্যাতনের অনেক উর্দে। ব্যক্তি ও সমাজ গঠনে এর বিকল্প নেই। তাই মহান আল্লাহ নবী মুহাম্মাদ হযরাতা-হু
আলাইহে
ওয়াসাল্লাম কে বিশ্ববাসীর জন্য অনুসরণীয় আদর্শ হিসাবে উল্লেখ করে বলেন, لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ ‘নিশ্চয়ই তোমাদের জন্য আল্লাহর রাসূলের মধ্যেই উত্তম আদর্শ নিহিত রয়েছে’ (আহযাব ২১)। মহানবী হযরাতা-হু
আলাইহে
ওয়াসাল্লাম-এর আদর্শের অনুসরণ করলে প্রত্যেক ব্যক্তির চরিত্রে মহৎগুণ প্রতিস্থাপিত হবে, এটাই স্বাভাবিক।

عَنْ عَائِشَةَ رَضِيَ اللَّهُ عَنْهَا أَنَّ رَسُولَ اللَّهِ ﷺ قَالَ إِنَّ اللَّهَ رَفِيقٌ يُحِبُّ الرَّفْقَ وَيُعْطِي عَلَى الرَّفْقِ مَا لَا يُعْطَى عَلَى الْعُنْفِ وَمَا لَا يُعْطَى عَلَى مَا سِوَاهُ.

‘আয়েশা রহিমাতা-হু
আনহা হ’তে বর্ণিত রাসূল হযরাতা-হু
আলাইহে
ওয়াসাল্লাম বলেছেন, ‘আল্লাহ কোমল। তিনি কোমলতাকেই ভালবাসেন। আর তিনি কঠোরতা এবং অন্য কিছুই জন্য দান করেন না, তা কোমলতার জন্য দান করেন।’^{৮৬} অমায়িক ব্যবহারের গুরুত্ব এ হাদীছে পরিষ্কারভাবে ফুটে উঠেছে। আর সচরিত্রের কারণেই বেশিরভাগ মানুষ জান্নাতে যাবে।

৮৫. ইমাম গাযযালী, খুলকে মুসলিম, অনুবাদ মাওলানা মুহাঃ শহীদুল্লাহ (ঢাকা: নওমুসলিম কল্যাণ সংস্থা, ৫ম সংস্করণ-১৯৯০ইং) পৃঃ ৬৬।

৮৬. মুসলিম, মিশকাত হা/৫০৬৮।

عَنْ أَبِي هُرَيْرَةَ رَسُولُ اللَّهِ ﷺ عَنْ أَكْثَرِ مَا يُدْخِلُ النَّاسَ الْجَنَّةَ فَقَالَ تَقْوَى اللَّهِ وَحُسْنُ الْخُلُقِ.

‘আবু হুরায়রা ^{রাযীয়াতুহু আনহু} হ’তে বর্ণিত, রাসূলুল্লাহ ^{হাদীছ-এ আল্লাহকে ওহাদায়া} বলেন, ‘যে সব কারণে মানুষ জান্নাতে যাবে তার মধ্যে তাক্বওয়া ও উত্তম চরিত্রের কারণে বেশী লোক জান্নাতে প্রবেশের সুযোগ পাবে’।^{৮৭} অত্র হাদীছ দ্বারা বুঝা যায়, উত্তম চরিত্রের জন্য অধিক সংখ্যক মানুষ জান্নাতে যাওয়ার সুযোগ লাভ করবে।

সচ্চরিত্রের ফলাফল সুদূরপ্রসারী। একজন চরিত্রবান ব্যক্তির কাছে সমাজের অন্যরা নিরাপদে থাকে। পক্ষান্তরে অসৎ চরিত্রবান ব্যক্তির ক্ষতির ব্যাপারে সকলে তার থেকে নিরাপদ দূরত্বে অবস্থান করার চেষ্টা করে। উত্তম চরিত্রের মাধ্যমে জীবন নাশকারী শত্রুকেও উত্তম বন্ধুতে রূপান্তর করা সম্ভব। যেমন মহান আল্লাহ বলেন,

وَلَا تَسْتَوِي الْحَسَنَةُ وَلَا السَّيِّئَةُ ادْفَعْ بِالَّتِي هِيَ أَحْسَنُ فَإِذَا الَّذِي بَيْنَكَ وَبَيْنَهُ عَدَاوَةٌ كَأَنَّهُ وَلِيٌّ حَمِيمٌ.

‘ভাল এবং মন্দ সমান হ’তে পারে না। মন্দকে প্রতিহত কর উত্তর ভালের দ্বারা; ফলে তোমার সাথে যার শত্রুতা আছে, সেও অন্তরঙ্গ বন্ধুতে পরিণত হবে’ (হামীম সাজদাহ ৪১/৩৪)। অত্র আয়াতে বুঝা যায় উত্তম ব্যবহার দ্বারা মন্দের মোকাবেলা করলে শত্রুও বন্ধুতে পরিণত হবে। মহান আল্লাহ অন্যত্র বলেন, ‘অতএব আল্লাহর অনুগ্রহ এই যে, আপনি তাদের প্রতি কোমল চিন্তা; এবং আপনি যদি কর্কশভাষী, কঠোর হৃদয় হ’তেন, তবে নিশ্চয়ই তারা আপনার চতুষ্পার্শ্ব হ’তে বিক্ষিপ্ত হয়ে যেত। অতএব আপনি তাদের ক্ষমা প্রদর্শন করুন এবং তাদের জন্য ক্ষমা প্রার্থনা করুন’ (আলে-ইমরান ৩/১৫৯)। পাশাপাশি মহানবী ^{হাদীছ-এ আল্লাহকে ওহাদায়া} ও সচ্চরিত্রের ফলাফলের বর্ণনা বিভিন্নভাবে দিয়েছেন-

عَنْ عَبْدِ اللَّهِ بْنِ عَمْرٍو رَضِيَ اللَّهُ عَنْهُمَا قَالَ قَالَ رَسُولُ اللَّهِ ﷺ إِنَّ مِنْ خِيَارِكُمْ أَحْسَنَكُمْ أَخْلَاقًا.

‘আব্দুল্লাহ ইবনে আমর ^{রাযীয়াতুহু আনহু} বলেন, রাসূলুল্লাহ ^{হাদীছ-এ আল্লাহকে ওহাদায়া} বলেছেন, তোমাদের মধ্যে সে ব্যক্তিই সর্বাপেক্ষা উত্তম, যে চরিত্রের দিক দিয়ে উত্তম’।^{৮৮}

৮৭. তিরমিযী, সনদ হাসান হা/২০০৪।

৮৮. মুত্তাফাকু ‘আলাইহ, মিশকাত হা/৫০৭৬।

একদা মহানবী ^{হাদীস-এ} ^{আলাইহে} ^{ওয়াসাল্লাম} -কে ছাহাবীগণ জিজ্ঞেস করলেন, ‘হে আল্লাহর রাসূল! সর্বোত্তম কোন্ জিনিসটি মানব জাতিকে দেয়া হয়েছে? রাসূলুল্লাহ ^{হাদীস-এ} ^{আলাইহে} ^{ওয়াসাল্লাম} বললেন, উত্তম চরিত্র’।^{৮৯} মহানবী ^{হাদীস-এ} ^{আলাইহে} ^{ওয়াসাল্লাম} আরো বলেন, ‘কিয়ামতের দিন মুমিনের পাল্লায় সর্বাপেক্ষা ভারী যে জিনিসটি রাখা হবে তা হ’ল উত্তম চরিত্র। আর আল্লাহ তা‘আলা অশালীন ভাষী দুশ্চরিত্রকে ঘৃণা করেন’।^{৯০}

‘ঈমানদারগণ তাদের উত্তম, চরিত্রের দ্বারা (নফল ইবাদতকারী) রাত্রি জাগরণকারী ও দিনের বেলায় ছিয়াম পালনকারীর মর্যাদা লাভ করবে’।^{৯১} ‘যার চরিত্র উত্তম সেই পূর্ণ ঈমানদার’।^{৯২}

عَنْ عَائِشَةَ قَالَتْ كَانَ رَسُولُ اللَّهِ ﷺ يَقُولُ اللَّهُمَّ أَحْسَنْتَ خَلْقِي فَأَحْسِنْ خُلُقِي.

‘আয়েশা ^{হাদীস-এ} ^{আলাইহে} ^{ওয়াসাল্লাম} বলেন, রাসূলুল্লাহ ^{হাদীস-এ} ^{আলাইহে} ^{ওয়াসাল্লাম} বলতেন, ‘হে আল্লাহ! আপনি আমাকে উত্তম আকৃতিতে সৃষ্টি করেছেন, অতএব আমার স্বভাব চরিত্রকেও উত্তম করুন’।^{৯৩}

উল্লিখিত আয়াত সমূহে ও হাদীছগুলোর দিকে গভীরভাবে মনোযোগ দিলেই উত্তম চরিত্রের ফলাফল আমাদের নিকট সূর্যলোকের ন্যায় পরিষ্কার হয়ে যাবে। সচ্চরিত্র মহান আল্লাহর পক্ষ থেকে মানুষের প্রতি বিশেষ অনুগ্রহ। আর আদর্শ সমাজ গঠন করতে হ’লে সমাজের মানুষকে অবশ্যই সচ্চরিত্রবান হ’তে হবে। আল্লাহ আমাদের প্রত্যেককে সচ্চরিত্রবান হিসাবে গড়ে উঠতে সহায় হোন। আমীন!

--O--

يَا مُقَلِّبَ الْقُلُوبِ ثَبِّتْ قَلْبِي عَلَى دِينِكَ. رَبَّنَا اغْفِرْ لِي وَلِوَالِدَيَّ وَلِلْمُؤْمِنِينَ يَوْمَ يَقُومُ الْحِسَابُ. صَلَّى اللَّهُ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ وَسَلَّمَ. سُبْحَانَكَ اللَّهُمَّ وَبِحَمْدِكَ أَشْهَدُ أَنْ لَا إِلَهَ إِلَّا أَنْتَ أَسْتَغْفِرُكَ وَأَتُوبُ إِلَيْكَ.

৮৯. বায়হাকী, সনদ ছহীহ, মিশকাত হা/ ৫০৭৯।

৯০. তিরমিযী, সনদ ছহীহ, হা/২০০২।

৯১. আবুদাউদ, সনদ ছহীহ, মিশকাত হা/৫০৮২।

৯২. আবুদাউদ, সনদ হাসান, মিশকাত হা/৫১০১।

৯৩. আহমাদ, সনদ ছহীহ, মিশকাত হা/৫০৯৯।

সূরা মাউন-এর বঙ্গানুবাদ

بِسْمِ اللَّهِ الرَّحْمَنِ الرَّحِيمِ
أَرَعَيْتَ الَّذِي يَكْذِبُ بِالْإِيمَانِ ۚ فَذَلِكَ الَّذِي
يَدْعُ الْيَتِيمَ ۚ وَلَا يَحْضُ عَلَى طَعَامِ الْبُسْكِينِ ۚ
قَوْلٌ لِلْمُصَلِّينَ ۚ الَّذِينَ هُمْ عَنْ صَلَاتِهِمْ سَاهُونَ ۚ
الَّذِينَ هُمْ يُرْأَوْنَ ۚ وَيَمْنَعُونَ الْمَاعُونَ ۚ

পরম করুণাময়, অসীম দয়ালু,
আল্লাহর নামে শুরু করছি।

- (১) আপনি কি তাকে দেখেছেন, যে বিচার দিবসকে মিথ্যা প্রতিপন্ন করে?
- (২) সে হ'ল ঐ ব্যক্তি, যে ইয়াতীমকে গলা ধাক্কা দেয়
- (৩) এবং মিসকীনকে খাদ্য দানে উৎসাহিত করে না
- (৪) অতঃপর মহা দুর্ভোগ ঐ সব মুছল্লীর জন্য
- (৫) যারা তাদের ছালতের ব্যাপারে উদাসীন
- (৬) যারা লোকদেরকে দেখায়
- (৭) এবং নিত্য ব্যবহার্য বস্তু দানে বিরত থাকে।

